

# EMUNDI MERILLII

TRICASSINI · J. C.

A Confiliis Regis, Antecessoris in Academia  
Metropolis Biturigum Primicerii

LIBER SINGULARIS

DIFFERENTIARUM JURIS

*Restitutus ex Libris Manualium*

JULII PAULI.



NEAPOLI, A. 1720. Operis Typographicis Felicis Mosca.

---

SUMTU BERNARDINI GESSARI.

---

CENSORUM FACULTATE, ET PRIVILEGIO.

THE  
FIRE  
ILLI

OF THE

OF THE

OF THE

OF THE

OF THE

OF THE

OF THE

OF THE

OF THE



# INDEX CAPITUM LIBRI SINGULARIS

## Differentiarum Juris.

- Cap. I. **D** E libris Manualium Jussii Pauli. p. 5.  
Cap. II. Differentia inter actiones, quae per procreatorem  
acquiruntur, vel non; quaeque per eum retinen-  
tur. p. 7.  
Cap. III. Differentia inter actorem, & administratorem ci-  
vilitatis; inter stipulationem servi publici, & in-  
ter stipulationem actoris. p. 8.  
Cap. IV. Deprehenditur differentia inter usumfructum,  
qui finitur consolidatione, seu proprietatis acquisitione; & inter eum,  
qui finitur aliis modis. p. 10.  
Cap. V. Differentia quaedam deprehenditur inter servitutes rusticorum praediorum. p. 11.  
Cap. VI. Differentia inter flumina, quae interjecta servitutes praediorum  
rusticorum impediunt, vel non. p. 13.  
Cap. VII. Differentia inter cessionem, & legatum servitutis: inter actus de-  
functorum, & viventium, qui aliter, acque aliter suspenduntur. p. 14.  
Cap. VIII. Differentia arborum, & lapidearum in consinio, dum adhuc ter-  
ra tenentur: vel cum arbor eruta, lapide exemptus est. p. 16.  
Cap. IX. Differentia bonorum possessionis, quae ex mandato petitur, ante,  
vel post furorem mandantis supervenientem. p. 17.  
Cap. X. Differentia deprehenditur inter donationem mortis causa factam ser-  
vo, & legatum servo relictum. p. 19.  
Cap. XI. Differentia inter stipulationem ususfructus, quae servus heredita-  
rius stipulatur, & legatum ususfructus servo hereditario relictum. p. 20.  
Cap. XII. Differentia inter negligentiam simplicem, seu levem culpam; &  
inter magnam negligentiam, seu magnam culpam. p. 21.  
Cap. XIII. Differentia inter legatum purum, quod servo communi inutili-  
ter sine libertate relinquitur, socii herede instituto; & legatum condi-  
tionale, quod utiliter ei relinquitur: inter legatum, & heredis insti-  
tutio-

Par. I.

tutionem.	p.27.
Cap. XIV. Differentia inter cautionem vulgarem, & cautionem patris, vel domini heredis instituti, qui ex ea: puto, vel serco; legari causa sub conditione relicti.	p.28.
Cap. XV. Differentia inter ius patronatus, & operarii praestationem: inter officiales, & artificiales operas.	p.28.
Cap. XVI. Differentia rerum, quae solas alienare non possunt, & per vii- veritatem alienantur.	p.28.
Cap. XVII. Differentia nupcionis, cum res tradita est ex causa emptio- nis, vel ex alia causa.	p.29.
Cap. XVIII. Differentia inter filios familias, maritum, patronum, & do- natorem, cum in quantum facere possunt, condemnantur.	p.29.
Cap. XIX. Differentia deprehensio: inter debitorem, & alium a debitore, qui non admisit creditorem missum in possessionem, vel servandas causas.	p.29.
Cap. XX. Differentia quaedam inter stipulationes praetorias, & conven- tionales.	p.29.
Cap. XXI. Differentia inter servum continentem duos in vitium, & inter servum, in quo alius habet proprietatem, alius usufructum.	p.29.
Cap. XXII. Differentia, cum quis post mortem suam stipulatur, vel servare mandaverit, seu inter mandatum stipulationis, & stipulationis post mortem.	p.29.
Cap. XXIII. Differentia inter eos, quibus actio furti competit, quia in- terest furtum non esse commissum.	p.29.
Cap. XXIV. Differentia in heredis appellatione, quae quandoque ad pri- mum coordinatur, quandoque ad posteriores extenditur.	p.29.
Cap. XXV. Ratio probabilis, cur nihil fragmentum eodem ex libro tertio Manualium Pauli.	p.29.





## CAPUT I.


## De Libris Manualium JULII PAULI.



Ullius Paulus libros tres *Manualium* videtur inscrip-  
se, quasi libri isti semper prae manibus haberi de-  
beant, & quasi *manticularia*. Sextus Pompeius: *Manti-*  
*cularia* dicuntur ea, quae frequenter in usu habent-  
ur, & quasi manu tractantur. Graeci *εγχειρηματα* dixe-  
runt, ut Const. Harmenopulus. Aliud videtur esse  
*εγχειρίδιον* in praefatione Plinii ad *Vespasianum*, &  
apud Gellium lib. 20. cap. ult. Libellus, puta, brev-  
ior; ut Pomponii liber singularis *Enchiridii* in In-

dice Florentino. Potius ita dictus, quod manu ferri possit, ut pugna  
etiam *εγχειρίδιον*, quam quod manibus teri, haberive debeat. In hisce  
libris Manualium Julius Paulus differentias juris executus fuerat, ut ex  
fragmentis, quae supersunt, deprehendimus. Et ideo Manualium inscrip-  
serat, quia differentiae juris ad manum semper, & in promptu esse de-  
beant; ut differentiis observatis, responsa juris auctorum aliam, atque  
aliam interpretationem accipiant. Quos autem libros Paulus *Manualium*  
inscripserat, Modestinus postea *Differentiarum* apertius inscribere voluit.  
Paulo Modestinus postumavit, qui usque ad tempora Gordiani pervenit.  
*L. 5. C. ad exhibend.* quive ut Ulpiani studiosus fuit, *L. si quis. 52. §. si*  
*quis asinum. D. de furtis*, ita & Pauli aequalis Ulpiano studiosus esse  
potuit. Et quidem nonnullas, quas Paulus in libris *Manualium* differen-  
tias attigerat, Modestinus quoque in libris *Differentiarum* attigit. Quam  
differentiam Paulus attigerat lib. 1. *Manualium*, in *L. ult. D. commun.*  
*praedior.* circa servitutes, quae pro parte acquiri non possunt, & pro par-  
te retineri possunt: Modestinus attigit lib. 6. *Differentiarum*, in *L. pro*  
*parte. 11. D. de servitutib.* Quam differentiam Paulus attigerat lib. 2. *Ma-*  
*nualium*, circa heredis appellationem, in *L. sciendum est. 227. D. de*  
*verbor. significat.* Modestinus attigit lib. 1. *Differentiarum*, in *L. 3. D. de*  
*vulg. & pupill. substitut.* & lib. 6. *Differentiarum*, in *L. 7. D. de his, quae*  
*ut indig. & L. qui per successionem. 194. D. de regul. iur.* Quam differ-  
entiam Paulus attigerat lib. 2. *Manualium*, inter levem, & latam cul-  
pam: *L. magna. 226. D. de verbor. significat.* Modestinus attigit lib. 2.  
*Differentiarum*, in *collat. leg. Mosaic. cum leg. Roman. tit. 10. de deposito.*  
Quam differentiam Paulus attigerat lib. 2. *Manualium*, in *L. & exbere-*  
*datum. 49. D. de re judicat.* inter maritum, & donatorem, qui in quan-  
tum facere possunt, condemnantur: Modestinus attigit lib. 2. *Differentia-*  
*rum*, in *L. non tantum. 20. D. de re judicat.* Plures autem alias dif-  
ferentias, quas Paulus in libris *Manualium* executus fuerat, probabile est  
à Modestino fuisse praetermissas, ne actum agere videretur.

FRAG.



## FRAGMENTA QUAE SUPERSUNT ex Lib. I. Manualium Jul. Pauli.

- Lex, Per procuratorem. 72. D. de procuratoribus.*  
*L. ult. D. quod cuiusque universis. nom.*  
*L. si servus. 27. D. quib. mod. usufruct. vel us. amittitur.*  
*L. nemo. 39. D. de servitutib. praed. urbanor.*  
*L. ult. D. de servitutib. praed. rusticor.*  
*L. ult. D. commun. praedior. tam urbanor. quam rusticor.*  
*L. illud. 83. D. pro socio.*  
*L. si quis alicui. 48. D. de acquir. vel omitt. heredit.*  
*L. ult. D. de mort. caus. donationib.*  
*L. usufructus. 26. D. de stipulat. servor.*  
*L. magna. 226. D. de verbor. significat.*

## Fragmenta ex Lib. II. Manualium Pauli.

- L. si socius. 89. D. de heredib. instituend.*  
*L. filio. 7. D. ut legatorum, seu fideicommissor.*  
*L. ult. D. de oper. libertor.*  
*L. quaedam. 62. D. de acquir. rer. dom.*  
*L. penult. D. de usurpat. & usucap.*  
*L. Et exheredatum. 49. D. de re judicat.*  
*L. si quis. 51. D. eod.*  
*L. Et stipulationum. 14. D. de duob. reis.*  
*L. servus. 27. D. de stipulat. servor.*  
*L. ult. D. de solut. & liberat.*  
*L. is cuius. 85. D. de furt.*  
*L. ex illa. 227. D. de verbor. significat.*

Ex Libro III. Manualium Pauli nullum  
extat Fragmentum.

PAULUS lib. 1. Manualium, in L. per procuratorem. 72. D. de procuratorib.

**P**er procuratorem \* non semper adquirimus actiones, \* sed retinemus: veluti si reum conveniat intra legitimum tempus; vel si prohibeat opus novum fieri, ut interdictum nobis utile sit. Quod vi, aut clam: nam & his pristinum jus nobis conservat.

## C A P U T II.

*Differentia inter actiones, quae per procuratorem acquiruntur; vel non, quaeque per eum retinentur.*

**D**uas hic Paulus differentias attingit, quas asteriscus signat: nam cum ait, per procuratorem non semper adquirimus actiones, prima differentia inde colligitur, quod quandoque acquiramus, & quandoque non acquiramus. Secunda differentia est, quod per procuratorem actiones non semper nobis acquiruntur; at semper actiones per eum retinemus. Equeidem regulariter per procuratorem actio nobis non acquiritur veluti si Titius Maevii procurator Maevio dari stipuletur. L. si ita. 126. §. Chrysofonus. v. plane. D. de verb. obligat. L. 3. C. de contrahen. & commit. stipulat. L. 3. C. de inutilib. stipulat. vel si Titius Maevio fundum emerit. L. quaecunque. 11. D. de oblig. & act. L. 6. C. si quis alteri, vel sibi, &c. vel si nomine ipsius pignus acceperit. L. solutum. 11. §. per liberam. D. de pign. act. Quandoque autem per procuratorem nobis actio acquiritur: veluti si praesenti domino stipuletur, & ex re ipsius. L. quod procurator. 68. D. de procuratorib. L. si procuratori. 79. D. de verb. obligat. veluti ex stipulationibus praetoriis. L. 5. D. de stipulat. praetor. veluti si procurator nummos domini mutuos dederit. L. certi. 9. §. si nummos. D. de reb. credit. d. L. si ita. 126. §. Chrysofonus. D. de verb. obligat. Sed & dominus ex contractu procuratoris actionem habet, si aliter rem suam servare non possit. L. Julianus. 13. §. si procurator. 25. D. de act. empt. Ita igitur non semper, sed quandoque, per procuratorem nobis actio acquiritur. At per eum semper actiones retinemus: puta, si actiones tempore perituras moverit, quae aut sex mensibus, ut redhibitoriae; aut anno, ut praetoriae; aut alio tempore longiori finiuntur. Sed & si procurator promissorem interpellaverit, perpetuam facit obligationem, quae interitu rei extingueretur. L. si quis 34. in fin. D. de usur. & fruct. Sed si procuratorem nomine domini opus novum vicino nunciare, seu prohibere, ne opus novum fiat: itane acquirit, vel retinet

net actionem? Ita quidem ex nunciatione procuratoris competit domino interdium. *Quod vi, aut clam. L. si procurator. 17. D. de oper. novi nunciat. sed magis prius ius conservat, seu magis retinet actionem, quam acquirit.* Haec enim prohibitio novi operis, quam facit procurator, demonstrat, te vi facere; & si procurator non prohibuisset, nihil dominus dominus haberet actionem; ita ut magis factio vicini delinquentis, quam factio procuratoris domino actio acquiri videatur. *L. 3. in princip. D. quod vi, aut clam.* Ita igitur per procuratorem facilius actio retinetur, quam per eum acquiritur: ut quidem aliis facilius est acquisita retinere, quam acquirere. Servitus pro parte non acquiritur. *L. pro parte. 11. D. de servitutib. L. 6. §. si tamen. D. com. praedior. sed pro parte retinetur. L. 8. §. 1. D. de servitutib. L. unus. 34. D. de servitutib. praedior. rustie. L. plurib. 140. D. de verbor. obligat. Possessio non nisi animo, & corpore acquiritur. L. quemadmodum. 8. D. de acq. vel amitt. possess. L. ferè. 153. D. de regul. iur. sed animo solum retinetur. L. 3. §. sed nisi animo. 7. & §. salus. 11. D. de acq. vel amitt. possess.*



PAULUS lib. 1. Manualium, in *L. ult. D. quod cuiusque universitatis nomina.*

**C**onsistit potest actor etiam ad operis novi nunciationem, & ad stipulationes interponendas: veluti legatorum, damni inflicti, iudicatum solvi: \* quavis servo potius civitatis caveri debeat. Sed & si actori causum fuerit, utilis actio \* administratori rerum civitatis dabitur.

### C A P U T III.

*Differentia inter actorem, & administratorem civitatis: inter stipulationem servi publici, & inter stipulationem actoris.*

**I**ungi potest cum *L. per procuratorem. 72. sup. de procuratorib.* ubi agitur de actione, quae per procuratorem domino acquiritur: hanc autem de actione, quae per actorem administratori civitatis acquiritur. Et duas quidem Paulus hic differentias attigit. Prima est inter actorem, & administratorem civitatis. Secunda inter stipulationem servi publici, & stipulationem actoris, qui est libera persona. Alii sunt actores, alii administratores civitatis. Veluti alii procuratores dantur à privatis ad lites, seu actiones movendas, vel ad suscipiendas. *L. sed si. 13. D. de pact. L. si cum. 66. §. si secundus. D. de evictiomb. L. hoc iure. 80. D. de solut. & liberat. alii procuratores dantur ad negotia cetera, vel universa. L. procura-*



tor. 63. *D. de procuratorib.* L. 7. *D. de calumniatorib.* Alii sunt coratores, qui dantur adolescentibus ad lites; alii, qui dantur ad negotia. §. ult. *Inf.* *fit. de curatorib.* Ita alii sunt actores, seu syndici, qui constituuntur à civitate, ut actiones nomine civitatis moveant, vel excipiant. L. 1. §. quibus. L. 6. §. ult. *D. quod cuiusque universit.* L. ita. 27. in princ. *D. ad SCtum Trebell.* L. ult. §. defensores. *D. de munerib. & honorib.* L. 8. *D. de pollicitationib.* Et ita Paulus ait in hac L. ult. actorem posse constitui ad novi operis nunciationem, & ad interponendas stipulationes praetorias, quae actionis instar obtinent. L. actionis. 37. *D. de obligat. & actionib.* administratores autem sunt, qui bona, seu res. ad civitatem pertinentes administrant. L. qui mittitur. 35. §. ult. *D. ex quib. causi. major.* L. si is, qui. 11. *D. de pignorib. & hypothec.* L. Lucius. 46. §. 1. *D. de administrat. & pericul. tutor. & curator.* Hic etiam Paulus differentiam attigit inter actorem, & administratorem civitatis: quod actor sit, qui acquirat actiones; & administrator sit, cui actiones acquirantur. Paulus ait, *Constitui potest actor etiam ad operis novi nunciationem, & ad stipulationes interponendas; id est, non solum actor constitui potest ad actiones exercendas, excipiendasve nomine civitatis, ut praemissum fuerat d. L. 1. §. quibus. d. L. 6. §. ult. sup. eod. tit.* sed etiam ut acquirat actiones civitati, seu administratori civitatis: veluti ad operis novi nunciationem, aut interdictum *Quod vi, aut clam;* quae per procuratorem nobis acquiruntur. L. si procurator. 17. *D. de oper. nov. nunc.* L. 3. *D. quod vi, aut clam.* Puta, si civitas praedia habeat, & in his vicinus novum opus faciat, actor constitui potest, qui novum opus nunciet, seu prohibeat. L. 5. §. meminisse. *D. de oper. nov. nunc.* Constitui quoque potest ad stipulationes praetorias interponendas, ex quibus etiam per procuratorem nobis actio acquiritur. d. L. 72. *D. de procuratorib. & L. 5. D. de stipulat. praetor.* Veluti si civitati legatum relictum fuerit, actor satisfactionem ab herede exiget, ut caveat heres his diebus legata civitati praestari, quibus testator praestari voluit. Jam enim receptum erat, ut civitatibus legari posset, quamvis incertis personis. L. civitatibus. 112. *D. de legat. 1.* atque etiam corporibus, & collegiis licitis exemplò civitatum. L. cum Senatus. 20. *D. de reb. dub. ut exposuimus lib. 4. observat. cap. 16.* Ita actor exiget stipulationem damni infecti, si publicis aedibus à vicinis damnum timeatur; & stipulationem judicatum solvi, ut is, cum quo agitur, caveat se praestitutum, quod iudex in condemnationem deduxerit. L. judicatum. 9. *D. judicat. solv. Secundam differentiam hac lege ult. Paulus attigit, ubi ait, quamvis servo potius civitatis caveri debeat.* Nam per servum publicum ex stipulatione actio directa, & ipso jure acquiritur. L. 3. *D. de stipulat. servor. per actorem utilis.* L. 5. §. si aitori. *D. de pecun. const.* ut aliàs per liberam personam non ipso jure, sed utilis actio acquiritur. L. 4. §. plane. *D. de magistratib. conveniend.* L. si procuratori. 79. *D. de verb. oblig. L. 3. & 4. D. rem pupilli, vel adolescent. salu. for.*

PAULUS lib. 1. Manual. in L. si servus. 27. D. quib. mod. usufruct. vel usus amitt.


**S**i servus, in quo usufructus alienus est, noxae dedatur à domino proprietatis usufructuario, liberabitur confusà servitute.

## C A P U T IV.

*Deprehenditur differentia inter usumfructum, qui finitur consolidatione, seu proprietatis acquisitione, & inter eum, qui finitur aliis modis.*

**T**itius habebat usumfructum in servo, Maevius proprietatem: servus fructuarius furtum fecit, vel damnum dedit. Titius egit noxali actione adversus Maevium, & Maevius fructuario servum noxae deditit. Eà noxae deditione proprietates servi transiit ad fructuarium. §. 4. *Instit. de noxalib. act.* & ita confusa fuit servitus cum ipsa proprietate. L. 4. D. usufruct. quemadmod. cavet. Quae res consolidatio dicitur, siue dominus proprietatis acquisierit usumfructum. L. cum in fundo. 78. §. 2. D. de jur. dot. siue fructuarius proprietatem. §. finitur. *Instit. de usufruct.* & ideo consolidatio dicitur, quia aliquid totum, seu solidum fit ex duobus separatis; puta, usufructu, & proprietate. Quando igitur dominus servum fructuario noxae deditit, ita proprietates fructuario acquiritur, & confunditur servitus cum proprietate, & fructuarius liberatur. Id quidem verbum in L. 27. D. quib. mod. usufruct. vel us. amitt. reterni potest ad dominum proprietatis, qui liberatur noxae deditione: sed magis est, ut reteratur ad fructuarium, qui acquisitione proprietatis, & confusione servitutis liberatur stipulatione, quā cavet, se usum yri boni arbitratu, & finito usufructu relicturum, quod inde extabit. L. 1. D. usufruct. quemadmod. cav. Et liberatur vel ipso jure, vel exceptione in factum. d. L. 4. l. eod. tit. usufr. quemadmod. cau. Hanc igitur differentiam Paulus attingere voluit in hac L. 27. finito usufructu per consolidationem, seu confusionem servitutis, fructuarium liberari: qui tamen non liberatur aliis modis finito usufructu, puta, capitis minutione, vel inusu. Veluti autem confunditur servitus usufructus, quae est personalis, acquisitione proprietatis. d. L. 4. D. usufructuar. quemadmod. cav. ita etiam confunduntur servitutes rerum, seu praediorum, urbanorum, & rusticorum, cum quis dominus praedii servientis, & dominantis esse coeperit. L. in omnibus. 18. D. de servitutib. L. si quis neder. 30. D. de servitutib. praedior. urbanor. L. 1. D. quem-

*D. quemadmod. servitut. amitt. L. legatarius. 38. §. 1. & L. legatum. 116. §. ult. D. de legat. 1. ita etiam confunditur obligatio, cum jus creditoris, & debitoris in eandem personam recidit. L. si ei. 41. D. de evictionib. L. Stichum. 95. §. ultio. & L. penult. D. de solut. & liberat.*



PAULUS lib. 1. Manualium, in *L. nemo. 39. D. de servitutib. praedior. urbanor.*


**N**emo enim \* propriis aedificiis servitutem imponere potest; nisi & is, qui cedit, & is, cui ceditur, in conspectu habeant ea aedificia, ita ut officere alterum alteri possit.

## C A P U T V.

*Differentia quaedam deprehenditur inter servitutes urbanorum, & servitutes rusticorum praediorum.*

**C**um praemissum esset ex lib. 2. *Quaestionum Pauli*, in *L. si aedes. 38. D. de servitutib. praed. urban.* Si aedes meae à tuis aedibus tantum distent, ut prospici non possint; aut medius mons earum conspectum auferat, servitus imponi non potest. Sequitur, quod est in *L. 39. eod. tit.* Finge, Titius & Maevius habebant aedes in eadem vicinia, sed tamen ita remotas, ut invicem prospici non possent; vel medius mons earum conspectum auferret. Ait Paulus in d. *L. 39.* servitutem imponi non posse; puta, ne aedes Titii officiant prospectui aedium Maevii. Quia servitutum ea natura est, ut aliquam utilitatem habeant; alioqui inutiliter constituuntur. *L. quotiens. 15. D. de servitutib. L. 4. in fin. & L. 8. §. ult. D. si servit. vindicet.* at servitus, quam Titius Maevio cederet, inutilis esset Maevio, cum non posset officere. hac *L. 39.* At cum officere potest, utiliter constituitur: veluti altiùs tollendi non modò vicinis aedibus, sed etiam ulterioribus rectè imponitur: puta, si inter aedes Titii, & Maevii aliae interjectae sint. *L. 4. & 5. D. si servit. vindicetur. L. 6. & 8. D. comm. praedior.* quia non sunt adeo remotae, quin Titius aedes suas altiùs tollendò aedibus Maevii officiat; & ita utilis servitus esse potest. Videtur tamen obstat *L. penult. D. de servitutib.* ubi constitui potest servitus aquae ducendae, licet praedio utilis non sit. Finge, Titius cesserat Maevio servitutem aquae ducendae, ut Maevio per fundum Titii aquam ducere liceret. Eo tempore, quo Titius cedebat servitutem, Maevio erat inutilis, nec expediebat ei, ut aquam duceret. Labeo ait, nihilominus constitui posse servitutem. Is est Antistius Labeo, qui in Graecas, antiquo-

quodresque litteras sese penetraverat, ut loquitur Gellius *lib. 13. cap. 10.* & cum ait in d. *L. penult. D. de servitutib.* Quaedam enim debere habere possumus, quamvis ea nobis agilia non sint: respicere videtur ad illud Aristophanis, quod refert Suidas in *v. Στανναμύλειον. ἄλλος μὲν ἰδίῳ, ἄλλοις δ' ἄμυνος διαθέτω. i. e. nihil est opus, attamen volo capere.* Ait igitur Labeo in d. *L. penult. D. de servitutib.* constitui posse servitutem aquae ducendae, quia interest Maevii habere servitutem, non tantum ratione utilitatis, ut ager irrigetur; sed etiam voluptatis, seu amoenitatis causa. *L. 3. D. de ag. quotid. & aestiv.* Tum quia fieri potest, ut scaturigines, quae sunt in agro Maevii, exarescant; & olim expediat Maevio, per fundum Titii aquam ducere. Igitur servitus utiliter constituitur non ratione praesentis, sed futurae utilitatis. At in hac *L. 39.* ea servitus constituebatur, quae & eo tempore, quo constituebatur, & in posterum inutilis futura erat: ideoque Paulus ait, imponi non posse. Ceterum in hac *L. 39. & L. ult. D. de servitutib. praedior. rusticor.* quae est ex eod. *lib. 1. Manual.* differentiam Paulus attingere voluit inter servitutes urbanorum, & servitutes rusticorum praediorum: quod in urbanis praediis constitui non possit servitus, si aedificia ita longe distent, ut invicem prospici non possint; vel si mons medius fuerit. At in rusticis praediis constitui possit, si fundi longe distent, etsi flumen interjectum sit. Ratio differentiae est, quod mons inter aedificia medius impedit utilitatem servitutis; efficitque, ut semper inutilis servitus futura sit. At flumine interjecto, utilis servitus esse potest; si aut ponte, aut vadō flumen transiri possit. d. *L. ult. D. de servitutib. praedior. rusticor.*




PAULVS *lib. 1. Manualium*, in *L. ult. D. de servitutib. praedior. rusticor.*

**F**lumino interveniente, via constitui potest, si aut vadō transiri potest, aut pontem habeat. Diversum, si pontonibus trajiciatur. Haec ita, si per unius praedia flumen currat: alioquin si tua praedia mihi vicina sint, deinde flumen, deinde Titii praedia, deinde via publica, in quam iter mihi adquiri volo: difficiamus, ne nihil vetet, à te mihi viam dari usque ad flumen; deinde à Titio usque ad viam publicam. Sed videamus, num & si tu eorum praediorum dominus sis, quae trans flumen intra viam publicam sint, idem juris sit: quia via consummari solet, vel civitate tenus, vel usque ad viam publicam, vel usque ad flumen, in quo pontonibus trajiciatur, vel usque ad proprium aliud ejusdem domini praedium. Quod si est, non videtur interrumpi servitus, quamvis inter ejusdem domini praedia flumen publicum intercedat.

## CAPUT VI.

*Differentia inter flumina, quae interjecta servitutes praediorum rusticorum impediunt, vel non.*

**T**itius habebat praedium cis flumen, & Maevius habebat aliud praedium trans flumen. Querebatur, an Titius posset cedere servitutem viae Maevio, ut Maevius per fundum Titii ire, agere posset. Et in urbanis quidem praediis aedes mediae non impediunt servitutem. *L. 5. D. si servit. vindicet.* Sed in rusticis praediis medium praedium, quod non servit, impedit servitutem; Puta, si inter praedium Titii, & Maevii Sempronius medium praedium habeat, non poterit Titius Maevio servitutem viae cedere. *L. qui sella. 7. in fin. D. de servitutib. praed. rusticor. L. in tradendis. 7. in fin. D. comm. praedior.* Atque ita videretur flumen interjectum inter praedium Titii, & Maevii, impedire, quominus Titius Maevio servitutem viae cedere posset. Paulus tamen ait, medium flumen non impedire servitutem. Et ratio est, quod veluti via publica interveniens, vel alius locus publicus, non impedit servitutem, *L. servitutes. 14. §. publico. D. de servitutib.* ita flumen medium servitutem impedire non debet: & ut per viam publicam cuique ire licet, ita & per flumen navigare, quod est publicum. *L. 4. & 5. D. de rer. divis.* Sed Paulus hic distinguit, non impediri servitutem, si flumen medium vadō, aut ponte transiri possit, & non sit impedimento transeunti magnitudo fluminis. *L. si prius. 17. §. via. D. de aq. & aq. plu. arcend. a3.* sed si flumen pontonibus trajiciatur, servitutem impediri. Pontones sunt genus navigii Gallici, ut refert Jul. Caesar *lib. 3. de bell. civili.* Quo verbo & Aquitani utuntur, & transvectores fluminum pontonarios vocant. Ratio differentiae est, cur flumen, quod ponte, aut vadō transitur, non impediatur servitutem; & illud, quod pontonibus trajicitur, impediatur: quia servitutes utrorumque praediorum perpetuam causam habere debent. *L. firamen. 28. D. de servitut. praedior. urbanor.* Eaque ratione servitus aquae haustus, vel aquae ducendae ex stagno, lacuve, aut puteo cedi non potest, si aqua jugiter non fluat. *L. 1. D. de fonte.* At cum flumen vadō, vel ponte transitur, perpetua est causa servitutis; cum perpetuo ita transiri possit. Ubi vero pontones sunt necessarij ad trajiciendum flumen, fortē erit, ut desint pontones, aut etiam ut tanta sit vis fluminis, quod nec pontonibus trajici possit. *d. L. si prius. 17. §. via. D. de aq. & aq. plu. arcend. a3.* & ita servitus perpetuam causam non haberet.



PAULUS lib. 1. Manualium, in L. ult. D. comm. praedior. rust. ur-  
banor. quàm rustic.


**R**eceptum est, ut plures domini, & non pariter cedentes, servitutes im-  
ponant, vel adquirant: ut tamen ex novissimo actū etiam superiores  
confirmantur; perindeque sit, atque si eodem tempore omnes cessissent: Et  
ideo si is, qui primus cessit, vel defunctus sit, vel alio genere, vel alio  
modo partem suam alienaverit; post deinde socius cesserit, nihil agatur. Cum  
enim postremus cedat, non retro adquiri servitus videtur: sed perinde ha-  
betur, atque si post, cum postremus cedat, omnes cessissent. Igitur rursus  
hic actus pendebit, donec novus socius cedat. Idem juris est, & si uni ex  
dominis cedatur, deinde in persona socii aliquid bonum acciderit. Ergo &  
ex diverso, si ei, qui non cessit, aliquid tale eorum contigerit, ex integra  
omnes cedere debebunt. Tantum enim eis tempus remissum est, quo dare  
facere possunt, vel diversis temporibus possint: & ideo non potest uni, vel  
unus cedere. Idemque dicendum est, & si alter cedat, \* alter leges servi-  
tutes: nam si omnes socii legent servitutes, & pariter eorum adeatur heredi-  
tas, potest dici utile esse legatum: si diversis temporibus, inutiliter dies  
legati cedit. Nec enim, \* sicut viventium, ita & defunctorum actus sus-  
pendi receptum est.

## C A P U T VII.

*Differentia inter cessionem, & legatum servitutis; inter actus  
defunctorum, & viventium, qui aliter, atque  
aliter suspenduntur.*

**P**rimus, secundus, & tertius, habebant fundum communem pro in-  
diviso. Primus cedit servitutum viae Titio vicino: puta, ut Titius  
per fundum communem jus eundi agendi haberet, & quod amplius via  
continet. L. qui sella. 7. §. 1. D. de servitut. praedior. rustic. Paulus ait,  
cessionem Primi non esse servitutem constitutam: quia servitutes divisionem  
non recipiunt, & pro parte constitui non possunt. L. pro parte. 11. D.  
de servitutib. L. stipulationes. 72. & L. pluribus. 140. D. de verb. obligat.  
Ita ergo Primus pro parte sua in fundo communi servitutem imponere  
non potuit. L. 2. D. de servitutib. L. si unus. 19. D. de servitut. prae-  
dior. rusticor. L. 7. sup. hoc tit. Sed finge, Primum cessisse servitutem  
viae per fundum communem; deinde Secundum, & Tertium dominos  
etiam fundi communis eandem servitutem viae Titio cessisse. Secundum  
subei-

subtilem rationem non videretur servitus acquisita Titio, quae per partes acquiri non potest; sed benignâ ratione, puta juris Praetorii, servitus novissimâ cessione confirmatur, perinde ac si tres domini fundi communis non diversis temporibus, sed eodem tempore cessissent servitutem. *L. per fundum. 11. D. de servitutib. praedior. rusticor. L. 6. §. 2. sup. hoc tit.* Quod tamen ita intelligendum est, non ut cessio facta à Primo retrahatur, aut valere intelligatur ex eo tempore, quo cesserit; sed ex eo demum, quo novissima cessio subsecuta fuerit. Cum enim servitudes sint jura, & in jure consistant, non faciliè res juris retrahuntur. *L. quid ergo. 11. D. de his, qui nos. infam. L. si quis. 25. §. jussum. D. de acquir. vel omittend. heredit. ut ostendimus lib. 2. Observat. cap. 38.* Finge adhuc, Primum cessisse servitutem per fundum communem; deinde Secundum, & Tertium dominos quoque ejusdem fundi communis eandem servitutem legasse testamentò; aditâque hereditate Secundi, & Tertii, diem legatae servitutis cessisse. *L. 3. D. de servit. legat. Quaeitur*, an cessio à Primo facta legato aliorum confirmetur? Paulus ait, posse quidem novissimâ cessione confirmari servitutem, si Secundus, & Tertius postea cesserint; non tamen confirmari legato, si Secundus, & Tertius eandem servitutem legaverint. Rationem subjicit, quia actus defunctorum non suspenduntur, ut actus viventium: suspenduntur tamen actus defunctorum, sed non eo modo suspenduntur. Et hîc duas differentias Paulus attigit: unam, quae est inter cessionem, & legatum servitutis; alteram, quae est inter actus defunctorum, & viventium. Ratio differentiae est, cur servitus cessione postea ab aliis facta confirmetur, non legato ab aliis factò: quia, cum sit novissima cessio servitutis à Tertio, eo tempore Primus, qui inter vivos agit, eandem servitutem adhuc cedere posset: & cum Primus antea cesserit, perinde est ac si cum ceteris cederet. At cum Tertius legat, & legatum servitutis relictae cedit aditâ hereditate Tertii, eo tempore Tertius rebus humanis exemptus, non posset cedere servitutem: & ita actus viventium aliter, quàm actus defunctorum suspenduntur. Idque Paulus probaverat duobus exemplis subjectis, quorum unum est in *L. si quis. 48. D. de acquir. vel omitt. heredit.* alterum in *L. usufructus. 26. D. de stipulat. servor. ex eodem lib. 1. Manualium*, quae huic legi alt. subtendendae sunt.



PAULUS lib. 1. Manualium, in *L. 83. D. pro socio.*

**I**llud querendum est: arbor, quae in consinio nata est; item lapis, qui per utrumque fundum extenditur; an cum succisa est arbor, vel lapis exemptus, ejus sit, cujus fundus pro eâ quoque parte singulorum esse debent, pro quâ parte in fundo fuerat. An, quâ ratione duabus massis duorum dominorum conflatis tota massa communis est; ita arbor, hoc ipso, quod separatur à solo, propriamque substantiam in unum corpus redactam

ac-

accipit, multo magis communis pro indiviso fit, quàm massa. Sed naturaliter convenit ratione, & postea tantam partem utrumque habere tam in lapide, quàm in arbore, quantam & in terra habebat.

## C A P U T VIII.

*Differentia arborum, & lapidum in confinio, dum adhuc terrâ tenentur; vel cum arbor eruta, lapifve exemptus est.*

**T**itius, & Maevius habebant praedia vicina, inter quae erat confinium, seu spatium aliquod medium, quod fines utriusque praedii distinguebat. In eo confinio arbor nata est, vel lapis. Si quidem arbor ex confinio in utroque praedio aequè serpat, ut loquitur Varro *lib. 4. de ling. Latin.* id est, aequè radices agat; vel si lapis in confinio in utrumque praedium aequè protendatur: arbor, & lapis erunt communes Titii, & Maevii, qui praedia habent vicina; ita ut in arbore, vel lapide aequas partes habeant. Sed si plures radices arbor in praedium Titii egerit, & pauciores in praedium Maevii: aut lapis magis propensus fuerit in praedium Titii, & minus in praedium Maevii; non erit arbor, vel lapis aequè communis, sed pro regione cuiusque praedii. *L. pro regione. 8. D. de acquir. rer. dom.* quia arbor, & lapis ejus praedii plus minusve esse debent, ex quo majus minusve capiunt nutrimentum. *L. si plures. 6. §. 3. D. arbor. furt. caesar.* nec inspicendus est locus, ex quo arbor habet originem, sed ex quo nutrimentum capit, & ubi radices agit. *L. sed & si. 26. §. 2. D. de acquir. rer. dom.* Sed singe, arborem, quae in confinio nata erat, & varias radices egerat in praedio Titii, & Maevii, fucifam fuisse; aut lapidem terrâ exemptum fuisse. Quacrit hîc Paulus, an arbor, & lapis communis sit Titii, & Maevii, ut aequas in ea arbore, vel lapide partes habeant: an verò arbor, vel lapis pro ea parte communis maneat, ex qua fuerat, dum terrâ tenebatur; id est, pro ratione nutrimenti, quod arbor, vel lapis ex utriusque praedio capiebat. Movet, quòd si duorum dominorum massae simul conflatae fuerint, unamque substantiam fecerint, massa utriusque sit communis. *§. si duorum. 29. Instit. de rer. divis. L. adeo. 7. §. sed & si. D. de acquir. rer. dom.* Ita duo domini ex casu in societatem, & communionem incidunt. Societas quaedam est voluntaria, quae fit ex conventionem, ex tractatu habitò: quaedam est involuntaria, cum duo, pluresve ejusdem rei communionem habent; veluti si duobus fundos conjunctim legatus sit. *L. 2. D. comm. divid. & haec societas propriè communio dicitur. L. cum pater. 77. §. dulcissimis. D. de legat. 2.* Cum igitur massae duorum dominorum simul conflatae fuerint, in communionem incidunt; & substantia utrius-



utriusque massae conflatae sit communis. Ita dicendum videretur, arborē terrā erutam, vel lapidem terrā exemptum, unam substantiam facere, & communem esse Titii, & Maevii. Idque secundum proportionem Arithmeticam, quae pariter omnia metitur. Paulus tamen existimat, magis esse consentaneum naturali rationi, ut arbor, vel lapis communis maneat pro ea parte, qua communis fuerat, dum terrā tenebatur. Idque secundum proportionem Geometricam: quia si majus nutrimentum arbor, lapsive in terra Titii capiebat, majorem partem Titius habere debet; si verò minus nutrimentum in terra Maevii, Maevius minorem quoque partem habere debeat. Idque etiam in massa conflata Ulpianus ex Pomponio refert, ut unusquisque partes in massa habeat, pro rata ponderis. *L. 3. §. 2. D. de rei vindicat.* Ex quibus apparet, Paulum hic attingere voluisse differentiam arborum, & lapidum in confinio, dum adhuc terrā tenentur; & dum arbor, lapsive terrā exemptus est. Idque fortè in quaestionem venerat apud utriusque scholae auctores, quorum alii proportionem Arithmeticam, alii Geometricam sequebantur, ut ostendimus *lib. 4. observat. cap. 24.*



PAULUS *lib. 1. Manualium*, in *L. si quis alicui. 48. D. de acquir. vel omitt. heredit.*

**S**i quis alicui mandaverit, ut, si aestimaverit, peteret sibi bonorum possessionem; & postquam ille petiit, fieri coeperit, nihilominus acquisita est ei bonorum possessio. Quod si antequam ille petat, is, qui mandavit petendum, fuxere coeperit; sciendum non est, statim ei acquisitam bonorum possessionem. Igitur bonorum possessionis petitio ratibabitione debet confirmari.

## C A P U T IX.

*Differentia bonorum possessionis, quae ex mandato petitur, ante, vel post furem mandantis supervenientem.*

**C**um Paulus dixisset in *L. ult. D. commun. praedior.* quae sup. exposita est: Nec enim sicut viventium, ita & defunctorum alicui suspensi receptum est. Subjecisse videtur, quod est in hac *L. 48.* & in *L. ususfructus. 26. inf. de stipulat. servor.* quae jungendae sunt simul, ex eodem *lib. 1. Manualium Pauli.* In *d. L. ult.* suspensa erat acquisitio servitutis, donec novissima cessione confirmaretur: in *d. L. 26. D. de stipul. serv.*

c

*Par. 1.* suspens-

suspensum legatum usufructus relicti servo hereditario : in hac *L. 48.* suspensa acquisitio bonorum possessionis, donec ratihabitione confirmetur. Finge, Titius heres institutus mandavit Maevio, ut sibi bonorum possessionem peteret, si ita videretur, si id putaret expedire. Maevius petiit bonorum possessionem nomine Titii, & postea Titius furere coepit. Paulus ait, nihilominus Titio acquisitam esse bonorum possessionem : quia mandatum petendae bonorum possessionis ante furorem praecesserat; & mandatum quoque impletum fuit, antequam furor Titio superveniret. Sed finge, Titius mandaverat Maevio, ut bonorum possessionem peteret; & Titius furere coepit, antequam Maevius peteret. Paulus ait, non statim esse acquisitam bonorum possessionem Titio; sed esse in suspenso, donec ratihabitione Titii ad sanitatem redeuntis confirmetur: vel mediis furoris intervallis. *L. Divus. 34. D. de offi. Praesid. L. cum furiosus. 39. D. de judic. L. si cum dotem. 22. §. si maritus. D. solut. matrim.* Ratio, cur non statim acquiratur, haec est, quod cum Titius ante petitionem bonorum possessionis furere coeperit, res adhuc fuit integra, & mandatum ab eo sanitate redeunte revocari potuit, ut etiam ratihabitione confirmari: & ideo in suspenso est bonorum possessio, donec Titius ratam habeat petitionem sanus factus. Sed quid, si Titius in furore decesserit, nec ratam habuerit? Heredes quidem Titii ratam habere non possunt. *L. 7. D. rat. rem b.b.* sed intelligitur Titius furiosus ratam habuisse, cum non improbaverit. Nam si mandat non praecedente ratam habuisse intelligitur, *L. ult. D. de bonor. poss.* multo magis, ubi mandatum praecesserat; quali in mandato petendae bonorum possessionis Titius post furorem perseveraverit, quod utique revocare non potuit. *L. in bello. 12. §. 3. D. de capt. & poss. revers.* Atque ita suspenditur in hac *L. 48.* petitio bonorum possessionis, quam Maevius nomine Titii fecerit, post furorem Titii; donec Titius aut ratam habuerit, aut mors Titii secuta fuerit. Et Titio acquisita fuisse intelligitur bonorum possessio, non ex tempore petitionis; sed ex tempore mortis, quali ex tempore ratihabitionis. *L. servo. 65. D. ad Sctum Trebell. l. 3. §. acquirere. D. de bonor. poss.* *L. ult. D. quis ord. in poss. servus. L. penult. D. rat. rem habere.*



PAULUS lib. 1. Manualium, in *L. ult. D. de mort. caus. donationib.*

**S**i servo mortis causa donatum sit; videamus, cujus mors inspicere debeat, ( ut sit locus conditioni ) domini, an ipsius servi. Sed magis ejus inspicenda est, cui donatum esset: sed tamen post mortem, ante apertas tabulas testamenti, manumissum haec donatio non sequitur.

## CAPUT X.

*Differentia deprehenditur inter donationem mortis causâ factam servo, & legatum servo relictum.*

**T**itius servo Maevii centum causâ mortis donavit. Ea donatio mortis causâ facta, seu contemplatione mortalitatis, morte donatoris confirmatur. *L. non videtur. 32. sup. hoc tit. & pariter morte donatarii revocatur, si is, cui donatum est, ante donatorem morte praevenit fuerit. L. si mortis. 29. sup. eod.* Sed quaeritur, cum Titius centum servo Maevii mortis causâ donaverit; cujus mortem spectari oporteat, domini, an servi, ut donatio morte domini, vel servi revocetur. Fictioe juris servus, quamdiu est in potestate domini, una cum servo persona esse intelligitur. Theophilus in §. *an servo. Instit. de legat.* Eadem est vox domini, & servi. §. *si quis alii. Institut. de inutilib. stipulation.* Sed in morte naturam respicimus, aliaque est mors domini, alia mors servi: nec cum dominus mortuus est, servus etiam mortuus esse intelligitur. Inde igitur dubitatum fuit, an mors domini, vel servi spectanda esset, ut donatio revocaretur, & locus esset conditioni rei donatae. Paulus ait, mortem ejus respiciendam esse, cui donatum sit: puta si donatum sit domino, ut morte domini revocetur: si servo, ut morte servi revocetur; post Africanum in *L. si filiofamilias. 23. sup. hoc tit. D. de mort. caus. donationib.* Plerumque ita sunt donationes, non eorum, quibus donatum est, sed aliorum contemplatione. Patri donatur, ut sit filiofamilias: & filio contra donatur, contemplatione patris. Donatur uxori, ut marito acquiratur, & contra. *L. 1. §. si quis certam. D. de jur. dot. L. 3. §. ult. D. de donationib. inter vir. & uxor.* Mens igitur donantis spectanda est, inquit Lucius Seneca *lib. 5. de benef. cap. 9.* Si igitur donator eâ mente fuerit, ut magis domino, quam servo donare vellet; morte domini, non servi, donatio revocabitur. Mens autem donantis pluribus argumentis, & conjecturis deprehendi potest: puta, si ministerium personae elegerit, non ut ei donatum vellet. *d. L. 23. hoc tit. I. Sulpicius 249. D. de donat. int. vir. & uxor.* & si quis servo ita donaverit, ut cum domino moraretur. *L. filiofamilias. 42. D. de condit. & demonstrat.* Sed si sine praeterea, servus, cui Titius centum mortis causâ donaverat, post mortem Titii donatoris, ante apertas tabulas testamenti, à domino manumissus fuit. Paulus ait, centum acquiri domino, non servo. Licet enim servus post manumissionem à domini persona separaretur, & propriam personam habere incipiat, *L. si Pamphilo. 10. l. de opt. vel elect. legat.* tamen donatio statim post mortem Titii donatoris perfecta fuisse intelligitur. *d. L. 32. sup. hoc tit.* Quo tempore servus erat in potestate Maevii, & ita ei acquirere debuit. *L. placet. 79. D. de acquir. vel omitt. heredit.* Secus est, si legatum servo relictum fuerit, & post mortem testatoris, ante apertas tabulas, servus manumissus fuerit, legatum servo acquiritur, non domi-

no: quia cum dies legati ab apertis tabulis cesserit, *L. unie. §. cum igitur. C. de caduc. tollend.* servo manumisso, non domino acquiri debuit. Quam differentiam inter donationem mortis causa servo factam, & legatum servo relictum, Paulus hic attingere voluit.



PAULUS lib. 1. Manualium, in *L. usufructus. 26. D. de stipulat. servor.*

**U** usufructus sine persona esse non potest: & ideo servus hereditarius inutiliter usufructum stipulatur. Legari autem ei posse usufructum dicitur, quia dies non cedit statim: stipulatio autem pura suspendi non potest. Quid ergo, si sub conditione stipuletur? nec hoc casu valeat stipulatio: quia ex praesenti vires accipit stipulatio, quamvis petitio ex ea suspensa sit.


## C A P U T XI.

*Differentia inter stipulationem usufructus, quem servus hereditarius stipulatur, & legatum usufructus servo hereditario relictum.*

**M**anifesta est differentia, quam hic Paulus asserere voluit inter stipulationem usufructus, quam servus hereditarius fecerit, & legatum usufructus servo hereditario relictum. Finge, Titius Maevium heredem instituit: Stichus servus hereditarius, nondum aditae hereditate Titii, usumfructum a Sempronio stipulatus est. Quaeritur, an usufructus hereditati, hereditate futuro acquiratur. Servus quidem hereditarius, ut domino potuit acquirere, ita & hereditati, quae defuncti personam sustinet. *L. quia. 16. D. de noxalib. act. L. hereditas. 34. D. de acquir. rer. domini. L. 9. C. deposit.* Paulus tamen ait, servum hereditarium inutiliter usumfructum a Sempronio stipulatum fuisse: quia usufructus sine persona esse non potest. Usufructus est jus personae inhaerens, quod cum persona exstinguitur. *L. 3. §. ult. D. quib. mod. usufructus vel us. amitt. L. non solum. 8. §. tale. D. de liberat. legati L. Sempronius. 26. D. de usu, usufructu &redit. legat.* nec à persona in personam transeat. *L. si usufructus. 66. D. de jur. der. nec sine persona stare potest. L. hereditas. 61. D. de acquir. rer. domini.* At cum servus hereditarius stipulatur usumfructum, non est persona, ex qua stare possit: non ex persona defuncti, qui in rebus humanis esse desit: non ex persona Maevii heredis instituti, qui nondum hereditatem adiit: non ex persona servi, qui est ~~acceptus~~ ut Theophilus uspiam. Nec interesse Paulus existimat, an servus hereditarius pure, vel sub conditione usumfructum stipulatus fuerit, ut

diffe-

differtur effectus stipulationis in diem aditae hereditatis, vel in eventum conditionis existentis. Nam cum servus pure stipulatur, stipulationis purae effectus suspendi non potest. *L. inter. 83. §. sacram. D. de verbor. obligat. L. si servus. 21. sup. hoc tit.* Et cum sub conditione stipulatur, petitio quidem ex ea suspenditur, ut ante conditionis eventum peti non possit: sed stipulatio ex praesenti vires accipit; id est, ex eo tempore, quo contrahitur; non ex tempore conditionis existentis. *L. filiusfamilias. 78. D. de verbor. obligat. L. quae legata. 19. D. de regul. jur.* Licet autem servus hereditarius inutiliter usufructum stipuletur, usufructus tamen servo hereditario utiliter legari potest. Finge, Titius Maevium heredem instituit, & legavit Stichum servo suo usufructum: utile est legatum usufructus servo relictum. *L. si servo. 18. D. quib. mod. usufruct. vel us. amitt.* Quam differentiam inter stipulationem, & legatum, Paulus hic attert: & rationem quoque differentiae, quod cum interponitur à servo hereditario usufructus stipulatio sive pura, sive conditionalis, non est persona, ex qua itare possit usufructus; nec tunc hereditas personae vicem sustinet. d. *L. 61. D. de acquiren. rer. domin.* At cum legatus est usufructus servo hereditario, usufructus legati dies cedit ab adita hereditate. *L. unic. §. dies. D. quaml. dies legat. usufruct. ced. L. 5. §. ultim. D. quando. dies legat. ced.* Cum igitur Maevius hereditatem adiverit, usufructus ex persona Maevii heredis jam subiitit, eique per servum acquiritur. Ceterum jungenda est haec Lex 26. cum *L. ult. sup. connum. praedion.* Nec ideo pignant, ut quibuldam visum est: quia actus viventis, puta stipulatio, hic non suspenditur; legatum; seu actus defuncti suspenditur: contra quam Paulus dixerit, actus defunctorum non suspendi, ut actus viventium suspenduntur. Et quidem non negat Paulus in d. *L. ult.* actus defunctorum suspendi, quo actus viventium suspenduntur: ut ostendimus *lib. 5. observat. cap. 15.* ubi & interpretationem huius loci attigimus.



PAULUS lib. 1. Manualium, in *L. magna. 226. D. de verb. significat.*

**M**agna negligentia, culpa est: magna culpa, dolus est.

## C A P U T XII.

*Differentia inter negligentiam simplicem, seu levem culpam;  
& inter magnam negligentiam, seu magnam culpam.*

**H**aec est, opinor, Pauli sententia: magnam negligentiam esse magnam culpam; & magnam culpam esse dolum. Ubi differentiam atti-

attigit, quae est inter negligentiam simplicem, & magnam negligentiam, seu magnam culpam. Culpae & negligentiae nomine, levem culpam intelligimus. *L. 5. D. de in litem ierant. L. in magistratibus. 7. D. de magistrat. conveniend. & contractus. 23. D. de regul. iur.* Levis culpa definitio est, non facere, quod diligens paterfamilias faceret. *L. ea igitur. 14. D. de pign. act. L. quod saepe. 35. §. si res. D. de contrahend. empt.* Exemplum levis culpa proferri possunt, veluti si quis vencoso die ignem in stipulam immiserit, & ignis longius evagatus vicinas fegetes, arboreisque laeserit. *L. qui occidit. 30. §. 1. D. ad leg. Aquil.* vel si fullo, aut sarcinator, qui polienda, aut sarcienda vestimenta conduxerit, ea male interpolaverit. *L. si quis. 9. §. Celsus. D. locat.* vel si aurifex gemmas insculpendas, includendasve sumplerit, easque frigerit. *L. si servus. 27. §. si calicem. D. ad leg. Aquil. L. si merces. 25. §. qui columnam. D. locat.* vel si quis, quod sibi commodatum erat, peregrè secum ferre maluerit; & incurfu praedonum, aut naufragio illud amiserit, §. *item is, cui. instit. quib. mod. re contrab. obligat.* & haec est levis negligentia. Alia est magna negligentia, ut hic dicitur; lata negligentia. *L. 7. §. 2. D. de administr. & pericul. tut. L. 7. §. 1. D. de suspect. tutor. dissoluta negligentia. L. si fideiussor. 28. D. mandat.* nimia negligentia. *L. cedere. 213. D. de verbor. significat.* manifesta negligentia. *L. 2. C. arbitr. tutel.* eademque lata culpa. Magnae negligentiae, seu latae culpae definitio est, non esse diligentem ad eum modum, quem natura hominum desiderat. *L. quod Nerva. 32. D. deposit.* non intelligere, quod omnes intelligunt; nescire, quod omnes sciunt. *d. L. credere. 213. & L. latas. 223. sup. hoc tit.* ignorare, quod publicè proscriptum est. *L. sed si. 11. §. 3. D. de instit. act.* vel si quis non eandem rebus alienis adhibeat diligentiam, qualem rebus suis adhibere solet. *d. L. 32. D. deposit. L. mulier. 22. D. ad Scutum Trebellian.* ea magna negligentia, seu magna culpa; lata negligentia, seu lata culpa, in hac *L. 226.* dolus esse dicitur, & *d. L. 32. D. deposit.* dolo esse proxima. *L. 8. D. de edend. d. L. 223. sup. hoc tit. L. quaesitum est. 8. §. 3. D. de precar. dolo comparatur, L. 1. §. 1. D. si mensor fals. mod. dixer.* In contractibus, qui sunt gratiâ utriusque, puta dantis, & accipientis, levis culpa praestari debet. *L. 5. §. 2. D. commodat. L. si servus. 108. §. cum quid. D. de legat. 1.* Eamque regulam custodiri ait Modestinus *lib. 2. Differentiar. in collat. leg. Moesic. tit. 10.* in contractibus, in quibus utriusque utilitas vertitur: ut emptione, locatione, pignore, doris datione. In quibusdam contractibus etiam levissima culpa praestari debet, ut in mandato; nam procurator omnem culpam praestat, id est, levem, & levissimam. *L. à procuratore. 13. D. mandat.* Negotiorum quoque gestor, seu voluntarius procurator, omnem culpam praestat. *Paulus lib. 1. sentent. tit. 4. L. tutori. 20. C. de negot. gest.* Tutor tantum tenetur de levi culpa, non de levissima: nam sufficit tutorem rebus pupillaribus talem diligentiam adhibere, qualem bonus paterfamilias adhibere solet. *L. à tutoribus. 33. D. de administrat. & pericul. tutor.* Ratio differentiae inter tutorem, & procuratorem haec est, quod procurator cum mandato, aut negotiorum gestor absque mandato, sponte suscipit negotia gerenda;

at tutor saepe cogitur munus tutelae suscipere. Quod si sponte se obtulerit, ut tutelam gereret, omnem culpam praestare debet. *L. qui injurias. §. 3. D. de furt.* In quibusdam contractibus tantum lata culpa, seu magna negligentia praestatur, ut in deposito. *L. 1. §. si convenit. & s. L. 32. D. de posit. L. contractus. 27. D. de regul. jur.* & propterea Paulus negligentiam levem à negligentia magna distinxerat: quia levis negligentia in quibusdam contractibus praestatur; in aliis magna negligentia, quae dolo comparatur: in contractibus, non tamen in legibus, quae factum, seu dolum exigunt, ut in lege Cornelia de sicariis. *L. 7. D. ad leg. Cornel. de scar.* atque in *leg. 12. Tabul.* quae dolum tutoris suspecti vindicavit infamiam, si ob dolum remotus esset, non etiam si ob culpam vel latiore. *§. suspectus. l. ult. de suspect. tutorib.* Bona fides, quae in contractibus exigitur, facit, ut magna culpa ad dolum extendatur: ac in legibus restrictior sit doli interpretatio, neque ad magnam culpam extenditur. *L. 3. D. de ser. corrupt. L. cum autem. 23. §. excipitur. D. de aedil. edict. L. pen. D. de poen. Harmenopolus lib. 6. Manual. tit. 6. in princ.*



PAULUS lib. 2. Manualium, in *L. si socius. 89. D. de heredib. instituent.*

**S**I socius heres institutus sit ex asso, & servo communis legatur \* pure sine libertate; hoc legatum non constitit. Plane sub \* conditione ei utiliter, & sine libertate legabitur; quoniam & proprius servo ab herede relictus sub conditione legatur. Quare etiam \* heres institui sine libertate, ut alienus, socii herede scripto poterit: quia & proprius cum domino heres institui poterit.

### C A P U T XIII.

*Differentia inter legatum purum, quod servo communi inutiliter sine libertate relinquitur, socio herede instituto; & legatum conditionale, quod utiliter ei relinquitur: inter legatum, & heredis institutionem.*

**T**ITUS, & MAEVIUS habebant Stichum servum communem. Titius Maevium socium heredem instituit solum, nullò datò coherede; & lega-

legavit centum Stichō communi servo absque libertate. Paulus ait, hoc legatum non constare, seu inutiliter relictum esse. Servus quidem communis consideratur ut proprius, & ut alienus. *L. illud. 46. D. de ritu nuptiar. L. ult. C. de comm. serv. manumiss.* Quatenus consideraretur ut proprius, unus ex dominis communi servo legatum inutiliter absque libertate relinqueret. *L. servus. 76. D. de heredib. instituend. L. servo. 15. D. de opt. vel elect. legat. L. 4. C. de legat.* Sed quatenus consideratur ut alienus, & non solum ad Titium, sed etiam ad Maevium pertinet. *L. 5. D. de stipulat. servor.* Titius Stichō servo communi, ut alumno, absque libertate legare potuit. *L. verum. 63. §. si servo. D. pro socio. L. Plantius. 49. D. ad leg. Falcid.* Paulus, tamen ait, sic Titium Stichō servo communi centum legasse inutiliter, Maevio sociō herede instituto. Et ratio est, quod servo heredis inutiliter legatum absque libertate relinquitur. *§. an servo. 33. Instit. de legat.* Nec enim posset agere servus adversus dominum. *L. vix ex certis. 53. D. de judic.* Sed finge, Titium, Maevio sociō herede instituto, Stichō communi servo legasse centum sub conditione: Paulus ait, legatum esse utile, quia & Titius servo proprio Maevii herede instituto recte sub conditione legare potuit: igitur & servo communi ita legare potuit. Ideo autem valet legatum sub conditione relictum, quia fieri potest, ut tempore existentis conditionis servus non sit in Maevii potestate, & ita legatum ipsi servo, non domino acquiratur. *L. 7. D. ut legat. seu fideicommissor. servand. caus. caveat.* Legatum purè relictum servo est inutile, etiam postea desinat esse in potestate, propter regulam Catonianam. Theophilus in d. §. *an servo. 33. Instit. de legat.* At regula Catoniana non pertinet ad ea legata, quorum dies non mortis tempore, sed post aditam cedit hereditatem. *L. 3. D. de reg. Caton.* Dies legati purè servo relictū cedit ab adita hereditate. *L. unic. §. in novissimo. C. de ead. tollend. & dies legati conditionalis cedit ex tempore conditionis existentis. L. is, cui. 42. D. de obligat. & actionib.* Sed finge adhuc, Titius unus ex dominis Maevium locum ex parte heredem instituit, & servum communem ex alia parte, non adjectā libertate. Paulus ait, recte servum cum domino fuisse heredem institutum; quia servus communis ut alienus heres institui potest, veluti & servo communi, ut alieno: legari potest. d. *L. 63. §. si servo. 7. D. pro socio.* Et qua ratione servus cum domino heres institui potest, ut partem hereditatis dominus per se capiat, & partem per servum: eadem ratione servus communis, ut alienus, cum domino recte heres instituitur, ut dominus per eum partem hereditatis capiat. Hic igitur duas differentias possumus observare: unam, quae est inter legatum purè relictum servo communi absque libertate, & legatum sub conditione ei relictum; alteram inter legatum, & heredis institutionem.



PAULUS lib. 2. Manualium, in L. filio. 7. D. ut legator. seu fideicommissor. servand. caus. caveat.

**F**ilio, vel servo sub conditione à patre, dominove herede instituto legatum est. huius legati satis petere non possunt: sed prudente conditione emancipatus, vel manumissus si satis potant, quaeritur, an audiendi sint, ne beneficium patris, dominive ipsis onerosum sit? an sibi imputare debeant, qui dederunt eis postulandi adversus se facultatem? Sed melius est, per mediocritatem causam dirimere, ut cautioni tantum enim hypotheca suarum rerum committantur.

## C A P U T XIV.

*Differentia inter cautionem vulgarem, & cautionem patris, vel domini heredis instituti, qui caveat filio, vel servo, legati causâ sub conditione relinqui.*

**T**estator Titium patrem heredem instituit, & ab eo centum legavit sub conditione Maevio filio, qui erat in potestate: vel Titium dominum heredem instituit, & ab eo centum legavit sub conditione Stichoservo, qui erat in Titii potestate. Istud legatum valere supra ostendimus in L. si socius. 89. D. de heredibus instituend. quae jungenda est cum hac L. 7. quia fieri potest, ut post emancipationem filii, vel manumissionem servi, conditio existat; & legatum filio, servove acquiratur, Finge igitur, filium emancipatum fuisse, servumve manumissum, ante conditionis eventum. Quærit Paulus<sup>1</sup>, an filius à patre, vel servus, à domino satis petere possint; id est, cautionem exigere, quae vulgò exigitur legatorum, vel fideicommissorum nomine sub conditione relictorum: unde & vulgaris cautio dicitur. L. filiusfamilias. 114. §. iidem principes. D. de legat. 1. Non exigitur haec satisfactio, quando legatum purum est, quia statim praestari debet: sed quia legatò sub conditione relicto periculum est, ne heres labatur facultatibus, cavere debet heres datis fidejussoribus, se legata his diebus praestitutum, daturum, quibus testator dari voluit; dolumque malum abfuturum esse. Semper autem satisfactio cogitur, cujuscunque sit dignitatis, vel facultatum quarumcunque heres. L. 1. in princ. sup. hoc tit. At si filius, servusve à patre, dominove cautionem istam exigeret; damnosum esset patri, dominove beneficium emancipationis, vel manumissionis. Si enim pater filium, dominusve servum in potestate retinuis-

Par. L

d

set

set; nec filius cum patre, nec servus cum domino agere potuisset. *L. 4. D. de iudic. & ita iniquum videatur, ut ipsis beneficium damnosum sit. L. 7. D. testament. quemad. operiant.* Verum quia cautio ista semper exigitur, d. *L. 1. sup. hoc tit.* sibi imputare debent pater, vel dominus, qui cautionis adversus se postulandae facultatem concesserunt. Paulus tamen ait, melius esse, per mediocritatem causam diminere, ut quidem pater, dominusve caveant non datis fidejussoribus, sed cum rerum suarum hypotheca. Haec cautio, quae praetoria est, & solet à ceteris exigi datis fidejussoribus, *L. 7. D. de stipulat. praetor.* à patre, dominove exigitur datis pignoribus. Contumelia quaedam est satisfactionis. *L. testam. nro. 17. D. de testam. tuteh.* sed levius est, cavere datis pignoribus. *L. penult. §. idem quaesit. D. de pignorib. & hypothec.* Hic igitur Paulus eam differentiam asserere voluit, quod licet heres semper cavere cogatur datis fidejussoribus, legatorum, vel fideicommissorum servandorum causa, quae in diem, vel sub conditione relicta sunt: d. *L. 1. in princip. sup. hoc tit.* aliter tamen pater filio emancipato, & dominus servo manumisso cavere debeat.



PALLIUS lib. 2. Manual. in *L. ult. D. de oper. libertor.*

**I**nterdum \* *operarum manet petitio, etiamsi jus patroni non sit: ut evenit in fratribus ejus, cui assignatus est libertus; aut nepote alterius patris, exante alterius patroni filio.*

## C A P U T XV.

*Differentia inter jus patronatus, & operarum praestationem: inter officiales, & artificiales operas.*

**T**ertius servum manumisit, & manumissione jus patronatus quaesit; & praeterea in ipsa manumissione, vel statim post manumissionem, Tertius à liberto operas stipulatus est, id est, diurnum officium: puta, ut libertus per aliquot dies operas patrono exhiberet. Quaedam operae consistunt in officio, quaedam in artificio. Officiales operae sunt, ut libertus patroni negotia curet, patronum comitetur. Artificiales sunt, veluti fabriles, pictoriae, pistoniae, histrionicae, & aliae, quae in artificio consistunt, & quasi in pecuniae praestatione. *L. 6. sup. hoc tit.* Officiales debentur naturā patrono. *L. si non fortem. 26. §. libertus. D. de condi& indeb.* Id est, naturali jure debentur, etiamsi promissae non fuerint, ob libertatis

tatis beneficium, quod libertus à patrono accipit. Artificiales verò tantum ex promissione debentur, puta, si patronus in danda libertate operas à liberto stipulatus fuerit, vel de iis iurandum exegerit. *L. 7. sup. hoc tit. L. 2. C. ord.* Cum ita Titius à liberto operas stipulatus esset, postea uni ex liberis libertum assignavit: cum plures haberet liberos, puta, Primum, Secundum, & Tertium, testatus est Titius pater se velle, ut Primus ex liberis jus patronatus haberet in liberto. Quod quidem jus patronatus in multis consistit, & ut habeat patronus jus in bonis liberti, tam ex testamento, quam ab intestato. Ulpianus *lib. sing. Reg. tit. 29. L. 1. §. penult. D. si cui plus quam per leg. Falcid. L. si libertus. 16. D. de jur. patronat. §. 2. Institus. de success. libertor.* Titio mortuo, tres liberi patri heredes extiterunt: dubitari potest, an Secundus, & Tertius pro parte sua operas à liberto possint exigere. Movet, quod pater cum Primo assignavit, & per assignationem jus patroni in Primum transtulit. *L. filio. 48. D. de rit. nuptiar. L. 1. §. 3. D. de assignat. libertor. L. assignare. 107. D. de verb. significat.* & ita videretur, Primum posse solum operas exigere. Paulus tamen ait, etiam à fratribus posse exigi. Ratio est, quod operae alii, quam patrono, edi possunt; & nihil habent operae commune cum hereditate, aut successione liberti. *L. 4. & 9. sup. hoc tit.* Primus quidem habet per assignationem sibi factam jus patronatus, seu jus in bonis liberti, ex testamento, & ab intestato: sed ceteri liberi heredes patris habent pro parte sua operarum exactionem, veluti fratres ejus, cui libertus assignatus est. Eamque differentiam Paulus hic asserere voluit inter jus patronatus, & operarum praestationem: quod ei deberi possint operae, qui non sit patronus, & qui non habeat jus patronatus. Idque de operis artificialibus intelligendum, non de officialibus, quae soli patrono deberi possunt. *d. L. 9. sup. hoc tit.* Ceterum & hic Paulus aliam similem speciem attigit. Finge, Titius, & Maevius servum communem manumiserant, & operas ab eo manumisso stipulati fuerant. Titius decessit relicto filio: Maevius quoque decessit relicto nepote. Legitima hereditas liberti ad solum filium Titii, excluso nepote Maevii, pertinebit. *L. 3. §. si duo. D. de legitim. tutorib. & nihilominus Maevii nepos, ejusdemque heres, pro parte sua habebit operarum exactionem, ut pecuniae credita: quia nihil habet commune cum hereditate, aut successione liberti, seu jure patronatus. L. 4. sup. hoc tit.*

PAULUS lib. 2. Manual. in *L. quaedam. 61. D. de acquir. rer. dom.*

**Q**uaedam, quae non possunt sola alienari, per universitatem transeunt, ut fundus dotalis, ad heredes, & res, cujus aliquis commercium non habet. Nam etsi legari ei non possit, tamen heres institutus, dominus ejus efficitur.

## CAPUT XVI.

*Differentia rerum, quae solae alienari non possunt, & per universitatem alienantur.*

**T**itius fundum in dotem accepit : eum quidem alienare non potest, prohibente lege Julia. §. 1. *Instit. quib. alien. lic. vel non.* L. 4. *D. de fund. dot.* L. *cum pater.* 77. §. *qui dotale.* *D. de legat.* 2. L. *unic.* §. *cum lex.* C. *de rei uxor. act.* Sed tamen, si Titius Maevium heredem instituerit, fundus dotalis transibit ad Maevium; non ut eum alienare possit, sed ut idem jus habeat in fundo, quod Titius habebat; eumque ob impensas, aliasve causas retinere possit, puta, ob res donatas, vel amotas. L. *rei judicatae.* 15. *D. solut. matrim.* Finge praeterea, Titium Maevium heredem instituit: in hereditate Titii erant res sacrae, religiosae, aediculae, signa; & simulacra Deorum, sepulchra, ossuaria. Hae quidem res commercio hominum exemptae sunt, nec vendi possunt. L. 6. *D. de contrab. empt.* L. 1. §. 1. *D. quae res pignor. vel hypothe.* nec legari possunt. L. *cum servus.* 39. §. *penult.* *D. de legat.* 1. Paulus tamen ait, eas cum universitate, seu cum ceteris rebus hereditariis, transire in heredem, qui succedit in jus universum, quod defunctus habuit. L. *cum heres.* 11. *D. de divers. & tempor. praescript.* Eaque differentia manifesta est, quam Paulus hic asserere voluit inter eas res, quae solae vendi, alienari non possunt, & tamen cum universitate in heredes transeunt. Nec solum in heredes juris successores; sed etiam in rei successores, veluti in emptores, res hujusmodi transeunt, tanquam accessiones. L. *in modicis.* 24. *D. de contrab. empt.* Quo exemplo Juris Pontificii auctores admiserunt, jus patronatus, quod est spirituale, & spirituali annexum, transire in emptorem universitatis. C. *cum Bertholus.* 18. *de sent. & re judicat.* *Cap. cum seculum.* 13. *de jur. patronat.* apud Gregor. quod tamen solum vendi non potest. *Cap. de jure.* 16. *cod. tit.* Huic autem L. 62. videtur ob stare L. *mortuo.* 49. §. *Labeo.* *D. de legat.* 2. ubi res legari ei potest, qui commercium rei non habeat. Et tamen hic Paulus ait, eam rem legari non posse, cujus non est commercium. Distinguendum est, an non sit rei commercium, propter sui naturam; puta, quia res sacra, vel religiosa est: & ea quidem legari non potest. L. *cum servus.* 39. §. *penult.* *D. de legat.* 1. At si ratione personae rei sit interdictum, ea legari potest; non ut legatarius rem habeat, sed rei aestimationem. L. *filiusfamilias.* 114. §. *si quid alicui.* *D. de legat.* 1. L. *fideicommissa.* 11. §. *si servus.* & §. *ex his.* *D. de legat.* 3.

PAULUS lib. 2. Manualium, in *L. si existimans. 48. D. de usurpat. & usucap.*

**S**i existimans debere tibi tradam; ita dentum usucapio sequitur, si & tu putes debitum esse. Aliud, si putem, me ex causa venditi teneri, & ideo tradam: Hic enim, nisi actio praeceat, pro emptore usucapio locum non habet. Diversitatis causa in illo est, quod in caeteris causis solutionis tempus inspicitur. Neque interest, cum stipulor, sciam alienum esse, necne: sufficit enim, me putare meum esse, cum solvis. In emptione autem & contractus tempus inspicitur, & quod solvitur: nec potest pro emptore usucapere, qui non emat; nec pro soluto, sicut in caeteris contractibus.


## C A P U T XVII.

*Differentia usucapionis, cum res tradita est ex causa emptionis, vel ex alia causa.*

**M**anifestissima est differentia, quam hic Paulus asserere voluit, cum res tradita est ex causa emptionis, vel ex alia causa. Finge, Titius cum putaret se debere Stichum ex causa stipulationis, eum Maevio tradidit; & Maevius putans quoque Stichum sibi ex causa stipulationis esse debitum, ex ea causa accepit. Paulus ait, ex ea traditione usucapionem sequi, puta, usucapionem pro soluto. Titulus usucapionis pro soluto est, cum res debita, vel alia res loco rei debitae, volente creditore solvitur: is, qui bonâ fide accipit, pro soluto usucapit. Si igitur Maevius bonâ fide rem solutam, vel traditam ex causa stipulationis accepit, ei procedet usucapio pro soluto, licet nulla stipulatio praecesserit: & ita re tradita ex causa legati, usucapio sequetur, licet legata non fuerit. Nec obstat, quod dicitur, errorem falsae causae usucapionem non parere. §. error. Instit. de usucapionib. *L. Celsus. 27. sup. hoc tit. L. 1. D. pro donat. L. nemo. 6. D. pro derelicto*: id enim intelligendum est, si traditio ex falsa causa secuta non fuerit, aut si error falsae causae non sit tolerabilis. *L. 3. & 5. §. ult. D. pro suo*. Verum Paulus subjicit in hac *L. 48.* aliam rationem esse, si quis solverit, vel rem tradiderit, ex causa emptionis: ait enim, usucapionem pro emptore non procedere, nisi actio praecesserit, ut legitur in *Pando. Florent.* Quam lectionem defendimus lib. singulari *Defensarum lectionum* ex Cujacio: id est, nisi actus, seu contractus emptionis praecesserit. Rationem diversitatis asserit Paulus inter

con-

contractum venditionis, & ceteras causas: quodd in ceteris causis non inspicitur tempus contractus; sed tempus solutionis. At in venditione, tempus contractus inspicitur, & tempus traditionis: utroque tempore bona fides emptoris exigitur, ut ei procedat usucapio: nec sufficit tempore contractus bonam fidem habuisse, nisi & tempore traditionis habeat; aut tempore traditionis habere, nili & tempore contractus habuerit. *L. 7. §. ult. D. de Public. in rem ad. L. si aliena. 10. sup. hoc tit.* Scientia rei alienae eo tempore, quo contrahitur emptio, emptorem in mala fide constituit; efficitque, ut ei non procedat usucapio. At in aliis causis, scientia rei alienae non impedit usucapionem; modo is, qui accepit, tempore traditionis bonam fidem habeat. Veluti, si quis stipuletur rem alienam sciens, nihilominus usucapiet, dummodo tempore solutionis rem promissoris esse putaverit: vel si quis rem alienam legatam esse sciverit, nihilominus usucapiet, dummodo tempore solutionis rem promissoris esse putaverit: vel si quis rem alienam legatam esse sciverit, nihilominus usucapiet, dummodo ex causa legati tradita fuerit. *L. si is. 15. §. ult. & L. iusto. 44. §. 2. sup. hoc tit.* At valde ob stare videtur huic *L. 48.* quodd procedit usucapio, si quis falsò rem emisse existimet, quam non emerit. *L. quod vulgi. 11. D. pro emptore.* Ideo verò procedit usucapio, quodd dominus mandaverit procuratori, ut rem emeret: procurator autem domino persuaserat, se rem emisse, quam non emerat, & ex causa emptionis domino tradiderat. Atque ita dominus iustò errore ductus, eam rem usucapere potuit, quam emi mandaverat: siquidem in alieni facti ignorantia tolerabilis error est. *L. ult. D. pro sua.*



PAULUS lib. 2. Manualium, in *L. & exheredatum. 49. D. de re iudicat.*

**E**T exheredatum, vel eum, qui se paternà hereditate abstinuit, nec ex ipsius contractu, nisi id quod facere potest, condemnandum. Quenammodum autem facere posse credatur, videndum est: utrum deductò omni aere alienò, ut is, qui ex donatione convenitur; an ut maritus, & patronus, nullò deductò aere alienò. Et indubitatè iuris est, ad similitudinem viri, & patroni eum detrahendum: pinguius enim donatori succurrere debemus, quam ei, qui verum debitum persolvere compellitur.

## C A P U T XVIII.

*Differentia inter filiumfamilias, maritum, patronum, & donatorem, cum in quantum facere possunt, condemnantur.*

**F**iliusfamilias, cum esset in potestate patris, contraxit, negotiatus est, & ex his contractibus obligatus fuit. *L. tam ex contractibus. 57. D. de judic.* Postea pater filium emancipavit, vel testamentò exheredavit, minimave parte heredem instituit; vel filius heres institutus paternâ hereditate se abstinuit. Filiusfamilias quidem obligatus manet, licet emancipatus fuerit. *L. ear. 8. D. de capit. minut.* aut emancipatus, abstinuisse: sed inhumanum visum est, ut filiusfamilias emancipatus, vel exheredatus, vel abstinens, in solidum teneretur ex his obligationibus, quas contraxerat, dum esset in potestate patris. *L. 2. D. quod cum eo, qui in alien. potest. L. 2. C. eod.* sed non nisi in quantum facere possit. *L. si filiofamilias. 53. D. solut. matrimon.* Quæsitum verò fuit, quomodo filiusfamilias facere posse crederetur, an deductò aere alienò, vel non. Idque in disputationem venisse apud juris auctores deprehenditur in *L. 3. D. quod cum eo, qui in alien. potest. & d. L. 53. D. solut. matrimon.* quæ sunt ex libris disputationum Ulpiani, & Tryphonini. Paulus hîc ait, filiumfamilias ad similitudinem viri, & patroni esse detrahendum: id est, in computatione ejus, quod filiusfamilias facere possit, detractionem eo modo fieri debere, ut cum maritus ab uxore, vel patronus à liberto convenitur. Et quidem maritus non tenetur, nisi in quantum facere potest, propter reverentiam, quæ maritis exhibenda est. Adeo ut pacisci non possit mulier, ut maritus in solidum teneatur. *L. alia. 14. in fin. D. solut. matrimon.* Patronus similiter à liberto convenitur in quantum facere potest. *L. patronus. 17. sup. hoc tit.* propter eam reverentiam, quam libertus patrono semper exhibere debet. *L. 4. §. adversus. D. de dol. mal. & met. except.* Socius quoque omnium bonorum non tenetur, nisi in quantum facere potest: quia societas jus quoddam fraternitatis in se habeat. *L. verum. 63. D. pro socio. & debitor, qui bonis cessit, si postea ad pinguorem fortunam revertatur, eo modo tenetur. §. ult. Instit. de actionib.* Verùm in istis personis, puta mariti, patroni, socii, debitoris, non deducitur aes alienum. Atque ita Paulus existimat, in filiofamilias deduci non oportere; aliamque rationem esse donatoris, in cujus personâ omne aes alienum deducitur. *d. L. si filiofamilias. 53. D. solut. matrimon.* quia nullo jure cogente ex donationis causa se obligavit. *L. unum. 67. §. 1. D. de legat. 2.* Nec ita acerbè agendum sit cum his, qui ex liberalitate sua conveniuntur. *L. liberalitatis. 16. D. de usur.* Eam igitur differentiam Paulus hîc asserre voluit, quæ est inter filiumfamilias, & donatorem. Utique tenetur, condemnaturque, in quantum facere potest; sed

sed donator deducto omni aere alieno; filiusfamilias nullo deducto aere alieno facere posse intelligitur. Eamque differentiam attigerat Modestinus lib. 2. *Differentiarum*, in *L. non tantum*. 20. sup. hoc tit. quam & Paulus lib. 2. *Manual*. Tempus autem, quo filiusfamilias facere possit, spectatur rei judicandae tempore. d. *L. 53. D. solut. matrimon.* Idemque tempus spectatur in marito. *L. rei judicatae* 15. *D. eod.* & in socio. d. *L. 63. §. tempus. D. pro socio*. Neque aliud tempus in donatore spectandum existimo; licet alio modo in persona illius, quam in aliis, fiat condemnatio.



**PAULUS** lib. 2. *Manual*. in *L. si quis*. 51. *D. de re judicat.*

**S**i quis dolo fecerit, ut bona eius venirent, in solidum tenetur. Si quis creditorem missum in possessionem rei servandae causa non admisit; si venditor praestiterit creditori, quanti ejus interfuerit: quaesitum est, an debitor liberetur? & puto, improbatum esse eum, qui velit iterum consuequi, quod accepit.

## C A P U T XIX.

*Differentia deprehenditur inter debitorem, & alium à debitore; qui non admisit creditorem missum in possessionem, rei servandae causa.*

**C**um Paulus superiorem differentiam attulisset inter donatorem, & filiumfamilias, & patronum, & debitorem, qui bonis cessit; subiecerat, quod est in hac *L. 51. ex eod. lib. 2. Manualum*, debitorem, qui bonis cessit, non semper condemnari in quantum facere potest; sed quandoque in solidum, si dolo fecerit, ut bona sua venirent. Pinge, Titius habebat plures creditores, Primum, Secundum, Tertium. Primus convenit Titium debitorem: Titius Primo bonis cessit, ut fraudaret alios creditores, Secundum, & Tertium. Habet hoc privilegium debitor ex lege Julia, ut bonis cedere possit; & ita existimationi illius parcat, si creditorum nomine, non debitoris, bona distrahantur. Proscriptione bonorum debitoris, quodammodo illius honor sugillabatur. At cum creditores bona sibi cessa distrahebant, §. 2. *Instit. quib. ex caus. manumitt. non lic. pudori*, existimationive debitoris parcebatur. *L. paterfamilias*. 28. *D. de reb. auctorit. judic. possidend.* Cum igitur Titius bonis cessisset Primo uni ex creditoribus, Primus bona Titii distraxerat; nec satisfactum erat

Sen



Secundo, & Tertio aliis Titii creditoribus. Audis deinde facultatibus Titii, Secundus, & Tertius eum conveniebant. Ait Paulus, in solidum teneri, non in quantum facere potest: quia dolo fecit, ut bona sua venderent; & Primo bonis cesserit, ut fraudaret alios creditores; & ideo facere posse videtur, quia dolo fecit, quominus possit. *L. verum. 63. §. tempus. D. pro socio.* Alias vero debitor, qui bonis cessit, ad pinguiorem fortunam reversus, condemnaretur in quantum facere posset. *§. ult. Instit. de actionib. L. 3. de cessio. bonor.* Post istam exceptionem, Paulus in §. 1. differentiam affert inter debitorem, & alium à debitore, qui non admisit creditorem missum in possessionem rei servandae causâ. Finge, Titius centum debebat Maevio: Maevius eum venit: Titius conventus fraudationis causâ latitavit, vel absens defensio non est; Maevius postulavit, ut mitteretur in possessionem bonorum Titii. (Ita enim creditor mittitur in possessionem bonorum debitoris latitantis, vel non defensis; ut hoc taedio affectus debitor; cogatur satisfacere creditori: eorumque bonorum creditor habet custodiam. *L. 3. §. ult. D. de acquir. vel amis. possess. inque ipsis pignus constituitur. L. cuius unus. 12. D. de reb. auctoris. judic. possid. L. misso. 7. D. pro emptor.*) Cum igitur Maevius missus esset in possessionem bonorum Titii, Titius eum admittere noluit: Maevius egit adversus Titium actione in factum, quae datur adversus eum, qui creditorem missum in possessionem admittere noluit. *L. 4. D. de damn. infecti. L. 1. §. 2. D. ne vis fiat ei, qui in poss. miss. et.* sique condemnatio quanti interest creditoris, non fuisse admissum in possessionem bonorum debitoris. Maevius igitur cum Titium istâ actione in factum convenisset, consecutus erat à Titio, quod sua intererat. Sed praeterea volebat centum debita consequi, quasi actione in factum poenam; non debitum consecutus esset: aliudque sit poenam, atque aliud debitum solvere. *L. 3. §. condemnatio. D. de tabul. exhibend.* Paulus tamen ait, Titium, qui Maevio solverit, quod sua intererat, debitum liberari. Sed finge, alium à debitore Titio non admisisse Maevium creditorem missum in possessionem bonorum Titii, & poenam solvisse: non ideo Titius liberaretur, ut in interdictione de tabulis exhibendis, d. *L. 3. §. penult. D. de tabul. exhibend.* Quam differentiam hinc Paulus attulerat inter debitorem, & alium à debitore, qui creditorem missum in possessionem rei servandae causâ non admisit: & non insubtiliter deprehendi potest. Ceterum in §. 1. lectio variat: Florentina legit, *venditor*, quae vix defendi potest. Graeci legunt, *emptor*, quod nullam rationem habet. Quidam Codices habent, *vetitor*, idest, is, qui vetuit, seu prohibuit creditorem missum admitti in possessionem: quod satis durum est. Quidam alii legunt, *debitor*, quod magis placet; & Sujacio magis placuit *lib. 12. observat. cap. 23.*

PAULUS lib. 2. Manualium, in L. & stipulationum. 14. D. de duob. reis constituend.


**E**T stipulationum Praetoriarum duo rei fieri possunt.

## C A P U T XX.

### *Differentiae quaedam inter stipulationes Praetorias; & conventionales.*

**T**antum abest, ut hic differentia aliqua deprehendi possit; quin potius Paulus ostendere voluit, ut stipulationes Praetoriae, & conventionales in aliquo conveniant. At cum in multis differant, probabile est Paulum, post traditam aliquam inter eas differentiam, subjecisse, quod est in hac L. 14. Inter stipulationes Praetorias, & conventionales, multae sunt differentiae: Siquidem Praetoriae stipulationi addi aliquid potest, L. 1. in fin. D. de stipulat. praetor. conventionalibus nihil addi potest; & quod expressum non est, pro omisso habetur. L. quidquid. 99. D. de verbor. obligat. Ex stipulatione Praetoria per procuratorem nobis actio acquiritur. L. 3. D. de stipulat. praetor. Ex stipulatione conventionali actio nobis acquiri non potest. L. stipulatio. 38. §. alteri. 17. D. de verb. obligation. §. si quis alii. Instit. de inutilib. stipulat. In stipulationibus Praetoriis, si quid ambiguit, vel obscure positum sit, Praetor eam ambiguitatem interpretatur. L. 9. D. de stipulat. praetor. In stipulationibus conventionalibus ambigua verba contra stipulatorem interpretamur. L. cum quaeritur. 26. D. de reb. dub. Denique non ita stipulationes conventionales, ut Praetoriae, pro parte committuntur. L. 4. §. Cato. D. de verbor. obligat. L. si procurator. 18. D. rem rat. haberi. Cum igitur multae sint inter stipulationes Praetorias, & conventionales, differentiae, Paulus post aliquas differentias ostenderat in aliquo convenire: vel cum id prius ostendisset, differentiam subjecerat, quae hic suppressa est, quaeque ex verbis Pauli deprehendi non potest. Paulus ait, stipulationum Praetoriarum duos reis constitui posse; ut constituuntur in stipulationibus conventionalibus. §. 1. Instit. de duob. reis stipul. & promitti. & in ceteris contractibus, veluti in commodato, si quis duobus eandem rem commodaverit. L. 5. §. ultim. D. commod. si quis duobus eandem pecuniam dederit. L. vir uxori. 17. D. ad SCum Vellejan. Testamentum etiam duo rei constitui-

tuuntur, puta, si quis à duobus heredibus institutus eandem rem legaverit. *L. 8. §. 1. D. de legat. 1. L. eandem. 9. sup. hoc tit.* Differt autem correus à fidejussore: ubi quidem fidejussor potest accedere, ibi & correus constitui potest. *L. nemo. 5. sup. eod.* sed obligatio fidejussoris est minor, & accessoria; alia est principalis, & plenior. *L. 5. D. de fidejussorib. & mandas. L. Stichum. 95. §. quod vulgò. D. de solut. & liberat.* Verùm inter correos debendi, non est alia major, alia minor, sed eadem est omnium obligatio; & si duo fuerint constituti, pariter ab utroque peti potest.



PAULUS lib. 2. Manualium, in *L. servus. 27. D. de stipulat. servor.*

**S**ervus communis, sive emas, sive stipuletur; quamvis pecunia ex peculio detur, quod alterum ex dominis sequitur, utrique tamen acquirit. Diversa causa est fructuarii servi.

## C A P U T XXI.

*Differentia inter servum communem duorum dominorum, & inter servum, in quo alius habet proprietatem, alius usumfructum.*

**T**itius, & Maevius habebant servum communem; Titius unus ex dominis pecuniam servo concessit, ut ex ea negotiaretur, utque administrationem peculii haberet. Servus ex eo peculio Titii aliquid emit, vel aliquid stipulatus est. Quaeritur, an id, quod servus emerit, vel stipulatus fuerit, utrique domino, vel soli Titio acquiratur? Movet, quod peculium à Titio profectum est, & quod servus ex re Titii emit, stipulatusve est; & ita videtur, rem emptam, vel deductam in stipulatione, non utrique domino, sed soli Titio acquiri. Paulus tamen ait, utrique domino acquiri: idque magis placuisse ait Gajus, *L. si ex re. 28. §. 1. inf. h. tit.* id est, Sabinianis, puta Juliano, & ipsi Gajo, ex eadem schola Sabinianorum, quorum sententiae relatae sunt in *L. communis. 24. D. comm. dividund. L. communis. 45. D. de acq. rer. domin.* Ratio juris civilis facit, ut ita utrique domino acquiratur, cum neque alteri iusserit stipulari, neque alteri nominatim servus stipulatus fuerit. *L. 5. sup. hoc tit. & ad L. 28. §. 3. D. eod. L. ult. C. per qu. person. nob. acquir.* Nam quia servus communis habet jus stipulandi ex persona utriusque domini, in quorum est potestate, §. 1. *instit. de stipulat. servor.* debet utrique domino pariter acquirere, si alter

si alter stipulari non jufferit, vel alteri nominatim servus stipulatus non fuerit. Veruntamen cum ex re Titii emerit, stipulatusve fuerit, habebit Titius communi dividundo, vel pro socio, actionem adversus Macvium; ut quod utrique acquisitum est, id solus Titius habeat. d. L. 24. *D. commun. dividund. & d. L. 45. D. de acquir. rer. domin.* Aliud est, si servus duobus dominis bonâ fide serviat; nam ei tantum acquirit, ex cujus re stipulatur, non utrique. *L. qui bonâ. 23. §. si quis duobus. 2. D. de acquir. rer. domin. L. si alienus. 19. sup. hoc tit. & ita multum interest, utrum servus sit communis duorum dominorum, in quorum est potestate; vel duobus dominis bonâ fide serviat, in quorum non est potestate. Quam tamen differentiam Paulus hic non attigit, sed eam, quae est inter servum communem, & servum, in quo alius habet proprietatem, alius usumfructum. Equidem servus ille, in quo alius proprietatem, alius usumfructum habet, est veluti communis duorum dominorum. *L. sed & si. 25. §. 4. D. de usufruct. & quemadmodum quis utat.* Alius habet dominium proprietatis, alius dominium ususfructus. *L. in venditione. 8. D. de reb. auctor. judic. possid.* si tamen ex re proprietarii emerit, soli proprietario acquirit, non etiam fructuario: quia non aliter ei potest acquirere, quam si ex re ipsius emerit, stipulatusve fuerit. d. *L. 25. §. quaestio. D. de usufruct. & quemad. quis utat.* Neque aliter habere jus stipulandi servus intelligitur ex persona domini fructuarii, quam cum ex re ipsius stipulatur.*



PAULUS lib. 2. Manualium, in *L. ult. D. de solut. & liberat.*

**E**I, qui mandatu meo post mortem meam stipulatus est, recte solvitur; quia talis est lex obligationis: ideoque etiam invito me recte ei solvitur. Ei autem, cui jussi debitorem meum post mortem meam solvere, non recte solvitur; quia mandatum morte dissolvitur.

## C A P U T XXII.

*Differentia cum quis post mortem suam stipulari, vel solvere mandaverit; seu inter mandatum stipulationis, & solutionis post mortem,*

**O** Stendimus in libro defensorum lectionum ex Cujacio, Paulum hic asserere voluisse differentiam inter mandatum stipulandi, & mandatum solvendi post mortem; eaque differentia constituta manifestum esse, lectionem

nem Florentinam non esse trajectam, & omnino retineri oportere. Finge, Titius mandaverat Maevio, ut stipularetur decem à Sempronio post mortem suam, puta Titii. Maevius ex mandato Titii stipulatus est decem dari à Sempronio: decessit Titius. Quaestionis est, an Sempronius Maevio post mortem Titii decem rectè solvat? Mandatum quidem morte mandantis extinguitur. *L. 6. D. de jurisdict. L. inter. 26. D. mandat. & ita videretur, mandatum Titii morte ipsius extinctum esse, nec Sempronium ex eo mandato rectè solvere. Paulus tamen aliter existimat: quia cum Sempronius Maevio decem solvit, non tam solvit ex mandato Titii, quam jure stipulationis. L. aliud. 106. sup. hoc tit. puta, non quia mandaverat Titius, sed quia promiserat Sempronius. Cujus rei argumentum est, quod Sempronius vivo adhuc Titio, eoque invito, centum in stipulationem deducta Maevio solvere potuit, ut se obligatione liberaret. Licet enim debitor ante diem obligationi adjectum conveniri non possit, §. si quis agens. 33. Instit. de actionib. L. si pater. 36. sup. hoc tit. potest tamen debitor ante diem solvere, etiam invito creditore. L. eum, qui. 41. D. de verb. oblig. quia in obligationibus dies non gratia creditoris, sed debitoris adjecta intelligitur; & ideo potest debitor, quocumque tempore voluerit, se obligatione liberare. Sed finge, Titius mandaverat Maevio debitori suo, ut post mortem suam centum Sempronio solveret: negat Paulus, Maevium rectè post mortem Titii solvere centum Sempronio. Et differentiam constituere voluit, cum quis post mortem suam stipulari, aut post mortem suam solvere mandaverit. Primò casu rectè solvitur; secundò non rectè solvitur post mortem mandantis. Ratio differentiae est, quod in prima specie praeter mandatum Titii stipulatio Maevii intercessit; & ita Sempronius ei rectè solvit post mortem Titii, non propter mandatum, sed propter stipulationem. At in secunda specie nihil est praeter mandatum Titii, quod morte ipsius solvitur; neque ullam habet actionem Sempronius adversus Maevium debitorem, ut eum cogat solvere. Vulgò oblitare existimant *L. si verò. 12. §. ult. & L. sequent. D. mandat.* ubi mandatum collatum in tempus post mortem mandantis, morte ipsius non solvitur. Puta, si Titius mandaverit Maevio, ut post mortem suam monumentum faceret, vel ut heredibus suis post mortem suam fundum emeret; potest Maevius post mortem Titii monumentum facere, & etiam fundum emere. Igitur & in specie hujus *L. ultim.* potuit Maevius post mortem Titii Sempronio solvere, cum mandasset Titius, ut ei post mortem suam solveret. Verùm diversitatis rationem observavimus inter mandatum faciendi, & solvendi, ubi lectionem Florentinam defendimus.*



PAULUS lib. 2. Manualium, in *L. is, cuius. 85. D. de furt.*

**I**S, *cujus interest non subripi, furti actionem habet, si & rem tenuit domini voluntate; id est, veluti is, cui res locata est. Is autem, qui*  
sub

*sua voluntate, vel etiam pro tutore negotia gerit; item tutor; vel curator ob rem culpâ suâ subreptam non habet furti rationem. Item is, cui ex stipulato, vel ex testamento servus debetur, quamvis intersit ejus, non habet furti actionem. Sed nec is, qui fidejussus pro colono.*

## CAPUT XXIII.

*Differentiae inter eos, quibus actio furti competit, quia interest furtum non esse commissum.*

**I**l furti agere possunt, quorum interest, rem non subripi. *L. cuius. 10. sup. hoc tit. L. ult. in princip. C. eod. L. 2. §. & generaliter. D. de vi bonor. raptor. Paulus lib. 2. sentent. tit. 31. Paulus tamen hinc inter eos, quorum interest, rem non subripi, differentiam constituit: ut ii, quorum interest, ita demum furti agere possint, si rem teneant domini voluntate. Veluti is, cui res locata est, puta colonus, potest furti agere: quia & ipsius interest, & rem domini voluntate tenet. *L. enim, qui. 14. §. 2. L. si quis. 52. §. 8. L. fullo. 82. §. 1. sup. hoc tit.* Ita etiam fullo potest furti agere, qui vestimenta farcienda, aut polienda conduxit. *§. item si fullo. Instit. de obligat. quae ex delict. nascunt. L. itaque. 12. in princip. L. qui vas. 48. §. si ego. sup. hoc tit.* Eâdemque ratione creditor furti agere potest, si res pignolata ei subripiatur. *L. si pignore. 22. D. de pignor. act. L. creditoris. 15. & L. creditori. 87. sup. hoc tit. & depositarius, qui rei depositae custodiam suscepit. d. L. 2. §. & generaliter. D. de vi bonor. raptor.* quia & rem domini voluntate tenent, & ipsorum interest non subripi. At negotiorum gestor, & protutor, qui se tutorem existimat, non possunt furti agere, licet ipsorum intersit: quia non tenent rem domini voluntate, *L. qui injurias. 53. §. qui alienis. sup. hoc tit.* Neque etiam tutor, aut curator furti agere potest, ob rem culpâ eorum subreptam: nec is, cui res ex stipulato, aut ex testamento debetur; licet ipsorum intersit; nec etiam fidejussor, qui pro colono intercessit, si res locata colono subripiatur. *L. is, cui. 13. & seq. §. 10. sup. hoc tit.* Non omnes igitur, quorum interest non subripi, furti agere possunt; sed ii solùm, qui rem domini voluntate tenent; puta colonus, fullo, creditor, in quos dominus naturalem possessionem transulit. *L. communis. 7. §. neque colonis. D. commun. divid. L. Celsus. 5. in princip. D. ad exhibend. L. servi. 16. D. de usurpat. & usucapionib.* Eamque ipsam differentiam, quam hinc Paulus attigerat, Modestinus fortè attigit *lib. 2. Differentiar. in cellat. leg. Mosaic. cum leg. Rom. tit. 10. de deposito.**



PAULUS lib. 2. Manualium, in L. ex illa. 227. D. de verb. signific.

**E**X illa parte edicti, Tum quem ei heredem esse oportet, heredis hereditibus bonorum possessio non defertur. Item in substitutione his verbis, Quisquis mihi heres erit, proximus heres tantum significatur; imo non tantum proximus heres, sed etiam scriptus.

---

## C A P U T XXIV.

*Differentia in heredis appellatione, quae quandoque ad primum coarctatur, quandoque ad ultiores extenditur.*

**H**eredis appellatio regulariter non ad primum heredem coarctatur, sed & ad ultiores heredes extenditur ita, ut heredis heres intelligatur etiam testatoris heres. L. 3. D. de heredit. petit. L. 7. in fin. D. de acquir. vel amitt. heredit. L. ult. C. de heredit. instituend. hereditique appellatio per multas successiones accipitur. L. codicillis. 18. D. de ann. legat. L. 2. D. de liberat. legat. L. quamvis. 40. D. ad SCtum Trebellian. L. heredis. 65. sup. hoc tit. L. antiquitas. 14. C. de usufr. L. in omnibus. 22. C. de legat. Quod expresse Horatius lib. 2. epist. 2. v. 175. seq.

Et heres

*Heredem alterius, velut unda supervenit undam.*

Nam ut unda, quae undae supervenit, eadem esse intelligitur; ita & heredes, qui aliis succedunt, licet per multas successiones, iidem semper heredes esse intelliguntur ita, ut heredis heres videatur esse testatoris heres. d. L. ult. C. de heredit. instituend. Quandoque tamen heredis appellatio ad primum referenda est, non ad ultiores. Veluti in edicto Praetoris quo defertur bonorum possessio ei, quem heredem esse oportet jure civili. L. unic. D. ut ex legib. Senatusconsultis bonor. posses. det. Finge, Agnato proximo delata est hereditas: si ante agnitam bonorum possessionem deceſſerit, heredi ipsius non defertur: atque ita heredis appellatio ad primum refertur. Et in substitutione pupillari, quando pater substituit filio suo impuberi, *Quisquis mihi heres erit, idem filio meo impuberi heres esto* is, qui fuit patri heres, his verbis ad substitutionem vocatur; non etiam heredis heres. L. qui liberis. 8. D. de vulgar. & pupill. substit. L. sciendum. 70. sup. hoc tit. ubi & alias species Paulus recitat, in quibus heredis appellatio de primo herede debet intelligi, non ad ultiores extendi. Eandemque differentiam Modestinus attigerat lib. 1. Differentiarum, ut deprehenditur in L. 3. D. de vulg. & pupill. substit. atque etiam lib. 6. Differentiarum, ex quo sumptae sunt L. 7. D. de his, quae ut indign. & L. qui per successionem. 194. D. de regul. iur.

GA.

## CAPUT XXV.

*Ratio probabilis, cur nullum fragmentum extet ex libro tertio Manualium Pauli.*

Cum in libris Manualium differentias juris Paulus executus esset, ut supra ostendimus, easque Manualium nomine inscripsisset, quali prae manibus haberi debeant; haud immerito quaeri potest, cur tam pauca ex hisce Manualium libris Fragmenta in Pandectis relata fuerint: Sed dicendum est, in tribus libris Paulum non ita multas differentias complexum fuisse, plures Modestinum in libris novem Differentiarum; & cum posterior Modestinus scripsisset, potius ex libris Differentiarum Modestini, quam ex libris Manualium Pauli relatas fuisse. Mirum verò magis videtur, cur ex lib. 3. *Manualium* Pauli nullum extet Fragmentum in Pandectis. Adeone inutiles visae sunt istae differentiae compositoribus Pandectarum, ut eas rejicere voluerint? Id quidem minimè putandum est, & alienum ab inscriptione Manualium, quae non modò utilitatem, sed quandam sciendi necessitatem inferunt. Suspicio, Paulum in eo libro tertio differentias juris retulisse, quod temporibus suis obtinebat, & postea à Justiniano immutatum fuit. Veluti plures fuerant differentiae inter quatuor genera legatorum, ex quibus septendecim aliàs observasse memini. Neo tantùm erant inter ipsa legata differentiae, sed & inter legata, & fideicommissa. At cum Justinianus unam, eandemque naturam legatis omnibus tribuisset, quocumque modo; quibusve verbis relicta essent: & legata fideicommissis, fideicommissisque legatis exaequasset, L. 2. *Cod. commun. de legat. & fideicommiss.* L. unic. §. ubi autem. 11. C. de caduc. tollend. Ita sublatae sunt legatorum invicem differentiae, & legatorum cum fideicommissis. Plures quoque fuerant differentiae inter usucapionem, & praescriptionem, quas Justinianus sustulit, transformatà usucapione in praescriptionem longi temporis. L. unic. C. de usucap. transformand. Plures inter rei uxoriae actionem, & actionem ex stipulatu, quas Justinianus sustulit. L. unic. C. de rei uxur. act. Plures inter receptitiam actionem, & constitutam pecuniam, quas Justinianus sustulit. L. 2. *Cod. de constit. pecun.* Plures inter Senatusconsultum Trebellianum, & Pegasianum, cum restitutio fideicommissae haereditatis fieret ex hoc, vel illo Senatusconsulto, quarum nonnullas retulit Ulpian. lib. singul. regul. tit. 25. *de fideicommiss.* Justinianus in §. sed quia heredes. *Institut. de fideicommiss. heredit.* & quasdam alias deprehendimus lib. 7. *observant.* quas Justinianus sustulit, transfusò Senatusconsulto Pegasianò in Trebellianum; vel Senatusconsulto Trebelliano accommodatà omni auctoritate, explosò Pegasianò. L. 2. §. de legatis. *Cod. de veter. jur. enucleand.* Cum igitur Justinianus jus vetus emendasset, immutasset; eaque emendatione, immutatione veteris juris differentias sustulisset, non improbabilius dici potest, Paulum eas differentias juris à Justiniano postea emendati lib. 3. *Manualium* attigisse: quae quia sublatae fuerant, ideo eas Pandectarum compositores ut supervacuas praetermiserunt.

EMIN.



EMUNDI MERILLII

J. C. CONSILIARII REGII

Antecessoris Academiae Biturigum Primicerii

O R A T I O

*De Tempore in Studiis Juris prorogando;*

Habita solennibus iniciamentis scholae Bituricensis  
Anni M. DC. XXI.

*Ad Illusterrimum, & Excellentissimum Regiae Stirpis Protoprincipem*

HENRICUM BORBONIUM

*Condagum Proregem Biturigum;*

# THE HISTORY OF THE

ROYAL SOCIETY OF LONDON

FROM ITS ORIGIN TO THE PRESENT TIME

BY JOHN HENRY LEE

IN TWO VOLUMES

LONDON: PRINTED BY J. JOHNSON, ST. PAUL'S CHURCH-YARD, 1780.

THE HISTORY OF THE

ROYAL SOCIETY OF LONDON

FROM ITS ORIGIN TO THE PRESENT TIME

BY JOHN HENRY LEE

IN TWO VOLUMES

LONDON: PRINTED BY J. JOHNSON, ST. PAUL'S CHURCH-YARD, 1780.

THE HISTORY OF THE

ROYAL SOCIETY OF LONDON

FROM ITS ORIGIN TO THE PRESENT TIME

BY JOHN HENRY LEE

IN TWO VOLUMES

LONDON: PRINTED BY J. JOHNSON, ST. PAUL'S CHURCH-YARD, 1780.



# EMUNDI MERILLII

JURISCONSULTI

## O R A T I O

*De Tempore in studiis Juris prorogando.*



ONFECTIS absque ulla intermissione voluntaria, aut causaria, legitimis viginti annorum stipendiis, jam studiis vacationem impetrare, & dulcioris vitae quieti tradere me oporteret. Sed ecce ex veterano ad Tyrocinium, & quasi ab ultimo studio ad carceres revocor, iniquissimâ conditione Antecessorum in Galliis, ut prius morte, quam missionem eorum militia finiator. Longè verò dispari sorte studiorum;

Etenim vix numeris inferti sunt, vix ligna venerati, vix Principia ingressi, ut castra deserunt, ut missionem postulant. In Academiis minimum diversantur, & ex iis tanquam pestibili aliqua regione ocys avolant. Illum fortasse olim parentum vota urgebant, qui senio ingruvescente superstites in dignitatibus suis filios videre gestiebant; illum quandoque parem imperitia revocabat, qui nec modum, nec rationem studiorum noverant. At jam omnibus fere persuasum, nulli usui esse Academiis; nec jam vulgus, sed primores studia liberis abruptere properant. Ego quidem non tantum auctoritatis meae valere existimo, ut adversus mores publicos solus sapere, ac benè sentire velle videar: dicam tamen, quod sentio, ita juris iustitiaeque ignorancem introduci, bonam juvenum indolem frangi, consulos iudices civitatibus eripi, totius denique regni statum pessumdari. Satis uberem dicendo fructum consecutus fuero, si qui audiunt, quique adsunt, ex variis oris, atque provinciis lectissimi juvenes posthac apud nos diutius morari cupiant. Quid si nihil proficiant, juvabit etiam sterilis orationis conscientia; juvabit, quod publicae utilitati, quod privatorum commodis conducere aliquando putavi, id ex hoc loco, coram istâ audiencium frequentia, verbis non tam accersitis, quam ad eam rem necessariis testatum reliquissè. Scientiam juris latissimè patere, multaque suo ambitu continere, palam est: illa enim res divinas atque humanas,

humanas, juris publici privatique exercitationem, iusti atque iniusti discretionem, aequitatis temperamentum sibi vindicat. Quae omnia nonnisi continuâ annorum serie disci possunt. Ceterae artes angustioribus terminis concluduntur, simplices habent tractatus, definitiones, seu regulas certiores, & facilius multo comparantur. Ac veluti lanae alios colores primâ infectione ducunt, alios nonnisi saepe incoctae, & maceratae bibunt: ita ingenia alias disciplinas protinus, alias magnis tantum nîsibus accipiunt. Scientia juris est huiusmodi, ut non levi aliquâ asperione, sed repetitis perfusionibus in nos valeat penetrare. Ecquid verò ex ea retinent studiosi, qui vix ad nos accesserunt, cum de discursu cogitant; vix recitationes aliquas acceperunt, cum satis superque institutos se arbitrantur? Plerique id aetatis huc se conferunt, cum plenam pubertatem attigerint; tum variis motibus animorum, percelluntur, praecordia incallescunt, inflatores venae turgent: prima illa aetas, quae pubertatem excipit, parum apta est disciplinae, festinantius abeunt statum aetatis antecedunt, nec fructus sui automnitatem expectant: cum proficere incipiunt, statim subducentur, antequam se sentiant profecisse. Tales nihilominus ad reipublicae administrationem abeunt, ad magistratus, ad primarias dignitates: ii sunt, qui de fortunis omnium, de exaltatione, de capite iudicant, à quibus nec licet provocare. In rudimentis experimenta faciunt, hinc prae ignorance Juris Romani tot litium semina, tot iudiciorum invicem discrepantium congeries, quibus hodie non sufficient collectores adeo in tantam molem excreverunt. At supervacua est ista (quam vos, Antecessores, iactatis) scientia; ab ea mores Galliarum in plurimis Provinciis recesserunt: cui rei sunt apud nos actionum formulae, contraheum distinctiones, testamentorum observationes, hereditum institutiones, substitutiones, interdictionum varietates, quaeque alia ab usu remota sunt? forte in responsis prudentum perspicuae quaedam occurrunt rationes, quibus tamen in iudicando non astringimur: & ut ante Iustinianum, voluntate iudicum magis, quam legitimâ auctoritate lites dirimuntur. An non verò satis est crebras rationes occurrere, subtilibus ingeniis adinventas, mirabili aequitate temperatas, quibus ratio naturalis perficitur? Nam quemadmodum in corpore nativus calor sopitus, aut imbecillis, extraneis fomentis excitatur; ita quae nobis insita est ratio, adhibitis frequentibus prudentium hominum rationibus juvatur, atque confirmatur. Hae tanti momenti visae sunt, ut omnes olim fere gentes potius jure Romano, quam propriis legibus, aut moribus regi voluerint; & quae hodie Romano imperio minimè subsunt, legibus tamen Romanis parere non aspernantur. At si necessaria est juris Romani notitia, si plurimum ad juvandam rationem conferat; absque opera Antecessorum, propriis laboribus eam consequi possumus: ita in libris Iurisperitorum plana sunt omnia, ita lectiones ceterò vindicatae, expositionibus illustratae, ut per te quisque ad perfectam juris cognitionem valeat pervenire. Vel unus sufficit Cujacius, nec alio Doctore opus; nec adeo necesse est, tam diuturno temporis dispendio in Academicis rudia prorogare. Excellentia quidem ingenia, eximii naturae munita praesidiis, pervicaci industria possunt aliquando scientias

tias assequi ; sed quàm paucis concessum est : quàm verò facilis alienò labore adminiculari ; & quod aliorum curis , vigiliis diu quaesitum est , id absque ullà sollicitudine invenire ? Permulti sane scriptis suis juri Romano lucem attulerunt , sed nonnulli alii tenebriones officias ingesserunt ; diligendi sunt inter malos boni , inter bonos optimi . Apud nos Cujacius solertissimi , & fidelissimi interpretis laudem meruit ; ipsius doctrinae insistentium praedicamus . Ac veluti Antisthenes sectatores monebat , ut sui essent sub Socrate condiscipuli : ita & nostros ipsi potissimum assuelcere praecipimus . Sed Cujacius interpretem desiderat ; sed unus per omnia melior non invenitur . Nec tam effoeti hodie omnes sumus , ut non aliquid ex nobis proferamus . Qui Cujacium merum crepant , illum minimè intelligunt : soli Cujacio uti norunt , qui ad ingenium , & laborem ipsius , & ad eam , quam praeivit , in scholis publicis docendi rationem propius accesserunt . Interpretum quidem diligentia studiosos juvari non diffitemur , sed eos , qui profecti sunt ; tyrocinia auspicantes magistrâ voce opus habent : est profectus , est aliquid in vultu dicentium , quod in scriptis non invenitur ; verbaque penitus , quàm scripta , sensibus intinuantur . At magis commodè aliis in locis , quàm apud vos Antecessores juri operam dari convenit . Vestrae Academiae sodalitiis nationum turbulentis , compotationibus crebris , contentionibus rixosis , immo etiam caedibus infestae sunt . Vulgò istas voces jactitant nomicosophitae quidam , ut neglectis Academicis commendari mereantur . Frustra igitur Majores nostri Academiae instituerunt , frustra innumeris privilegiis donatae sunt , frustra ex regionibus longè distitis Antecessores advenunt ; si quisquè apud suos aequò studiorum prolit incrementò . Ubi Academiae fuerunt insituta , Genium aliquem loco inesse fatendum est , qui docentium simul , atque discipulorum animos excitat , nec scientiarum decus sine intermori . Atque id in Bituricensi Academia manifestumprehenditur : haec inter alias continuâ successione praestantes aluit viros , qui aeternam sibi , ac civitati celebritatem pepererunt . Agnoscunt omnes Biturigis sedem Academiae perquam opportunam , ob aëris , coelique temperiem , locorum amoenitatem , annonae copiam , aedificiorum laxitatem , sermonis elegantiam , incolarum humanitatem . Nec modò ipsi sint perhumani , sed aliis etiam mansuetudinem conciliant : cum feroculos aliunde juvenes hîc modestius agere , Doctores suos reverentiùs habere , clamores & strepitus scholis exulare videamus . Quae omnia anxia Magistratuum diligentia superat , ne studiosi in partes , coarscive abeant , rixas moveant , neve quidquam ipsi ab aliis patiantur . Quid non studiosi Antecessorum latus claudentes , eorumque perpetuis , ac nunquam interruptis expositionibus se praebentes , eo loco praesentent ? Cum ad suos redierunt , domesticis negotiis , cognationibus , & familiaritatibus tuendis occupantur ; conditionibus quaerendis , conjugii , educatione liberorum , muneribus publicis distinentur : nec jam eos studere oportet , sed quondam studuisse . Sunt qui Parisiorum civitatem studiis juris commodissimam praedicant , ubi privata sunt Auditoria eorum , qui se Jurisconsultos ingenti titulò vendicant ; ubi etiam forenses disceptationes in maximo Senatu habitae , juri Romano admiscuntur . Sed quàm aptiora sunt loca ,

quae

quae tranquillis secessus, & minus turbarum habent? in opulentissima, & frequentissima civitate multa obverfantur, quae animos studiosorum avocant, Ambulacra, ludi, spectacula, aleae, scorta, ganae: quibus alios patrimonium imminuisse, alios solidum consumpsisse apparuit, dum se Doctorum suorum limina terere simulabant. Quinam verò isti Doctores in privatis auditoriis? quicquid faciunt, propriis quaeſibus, non scientiae dignitate metiuntur: nummis student, nummis docent, mercedulas quaerunt, marsupia implere satagunt, nec magnopere curant alios vacuò cebrebrò dimittere. Manualia quaedam, & Catholica praecepta, quasdam species, quasdam legum pugnantias sectatoribus suis ingerunt: Cujacii libros in auctoritatem scientiae obtrudunt, iisque perperam intellectis abutuntur. Ita rem sanctissimam nummario pretiò aestimantes dehonestant, & germanam docendi rationem adulterant. Quales inter Philosophos sophistae, inter caustidicos rabulae, inter medicos empeirici, inter mercatores seplasiarii & mangones, inter aurifices nugivendi; tales illi profectò sunt inter Jurisconsultos. Et mirum est, hujusmodi homines constitutionibus Principum interdictos, nec infimorum, nec obscurorum hominum suffragiis tolerari, quibus pridem tolli debuissent. Sub illis studiosi ad memoriae ostentationem, non ad judicii perfectionem informantur; traditiones suas ex oris promptuario recitare morunt, (legum psittacos, aut graculos verè dixeris) quae cum memoria exciderunt, incisii planè, atque expertes totius legitimae scientiae deprehenduntur. In Academiis Antecessores ante publicò judicìo probati, quàm ad omnera admittantur, in primis habent publicae expectationi satisfacere; veritatem, quae variis opinionibus immerſa est, in apertum proferre; mereri magis, quàm captare gloriam. Et quidem illos admodum Bardos, atque infelicitè natos esse oporteat, si non veros doctrinae tramites continuis laboribus inquirent; & quod ingenio, vel naturae deest, jugi exercitatione suppleant. Consulit faciant, si forensis triturae usum, si consuetudines cujusque loci in expositionibus suis praetermittant, ne genuinam juris Romani pulchritudinem inconcinna admixtione devenissent; tum ut vacet studiosis res necessarias addiscere, titulorum seriem observare, capita legum vestigare, auctorum tempora signare, sectas distinguere, species fingere, controversias exponere, antinomias in concordiam reducere. Parva vitae tempora scholis negari non debent, cum reliqua aetas foro deputetur. Adhuc alios fortius studia juris abjicere video, quòd publica sit venalium dignitatum, atque officiorum inundatio; nec eruditis ob merita, sed licitantibus ob majores pecunias deferantur. Istud quidem studiorum exitiale virus, cujus perniciosam jam persensimus, olim tamen (ni Deus avertat) toti regno interitum allaturam. Ita omnes pecuniae, non eruditionis. beneficiò viam sibi ad magistratus parant: ita fordibus, rapinis, fraudibus, corruptelis fores referantur, virtutibus occluduntur. Verùm spes est, brevi fore, ut cum partes Haereticorum à Rege Christianissimo tractae, disjectaeque fuerint; & res Gallicae legionibus in tuto positae, bonis deinde legibus emendantur. Malum, quod motuum civilium licentià grassari coepit, firmatà pace conquiescet. Hoc etiam à te expectamus, Protoprinceps Galliarum, &

Pro-

Prorex Biturigum potentissime, celsissime; qui ut natalium origine, sic etiam ingenii praestantia, atque optimâ institutione ceteros antecellis. Tu bellicas expeditiones summâ consilio, nec minori celeritate conficis. Tuum omnium divinarum, atque humanarum accuratissimam peritiam indeptus es: non alius novit Haereticorum erroneas opiniones fortius oppugnare, non alius inter consistorianos Regis Adlesores prudentius sententiam dicere, inter supremorum tribunalium senatores subtilius litigantium jura reprehendere: Nec te fugit, quanti sit, Academiâ bonis legibus stabiliri. Haec igitur Bituricensis, quae retro Principum curam meruit, quaeque eorum beneficentiâ ornata est, tutelam, atque conservationem nupere suscepisti; à te potissimum expetit, ut certum tempus studiis juris editoriali sanctione statuatur, quam nec temerè, nec impune liceat violare. Vos magistratus, qui in consilio Regis agitis; quique alii ad summa culmina dignitatum evecti estis, vos (inquam) ea cura sollicitet; nec indignum animadversione vestrà arbitremini, Academiarum languentium salutem providere. Vos parentes, qui praepropere liberos ad vos remeare contenditis, vota paulisper sustinete: sinite, liberorum studia cum aetate adulescere; merita prius, quam dignitates liberis optate; easque non pretii magnitudine, sed pondere mentorum in ipsis aestimate. Vos, liberi, non tam spontaneò discessu purissimos fontes Academiarum, & fluentia perpetuò currentia relinquit; ut alibi stagnantes aquas, & coenosas paludes epotetis. Vos, Antecessores, quicumque juri docendo praefecti estis, dum juris scientiam vestris laboribus cultiorem facere connitimini; illiberali quaestui posthabito, cavete, ne obvii quique, & sine delectu, nullâque studiorum habitâ ratione ad gradus admittantur. Parcius tamen collegas nostros suavissimos, de eo monitos intelligo, quod ab illis sanctissime observari scio.

F I N I S.

ANT 131321

